

重校刻平津館叢書

第

集



金滕第十三 周書四

尚書今古文注疏卷十三

賜進士及第授通奉大夫山東督糧道加三級孫星衍撰

**疏**書序云周公作金滕史記魯周公世家載其文又云周公奉王命與師東伐作大誥又云寧淮夷東土二年而畢定是以周公居東二年為伐叛非避居也又云唐叔得禾成王命唐叔以餽周公于東土作餽禾周公既受命禾嘉天子之命作嘉禾下云東土以集周公歸報成王乃為詩貽王命之曰鳴鵙王亦未敢訓周公案金滕篇中有公乃為詩以貽王命之曰鳴鵙等詞是金滕作于大誥歸禾嘉禾之後今篇次在前者以禱疾事在二年也史記又載成王病周公祝神藏策成王用事周公被譖奔楚成王發府見禱書反周公是非因天變開金滕又載周公卒後乃有暴風雷雨命魯郊祭之事是經文秋大熟已下必非金滕之文孔子見百篇之書而序稱周公作金滕周公不應自言死後之事此篇經文當止于王翼日乃瘳或史臣附記其事亦止于王亦

書疏十三

一

未敢諄公也其秋大熟已下考之書序有成王告周公作薄姑則是其逸文後人見其詞有以啓金滕之書乃以屬于金滕耳說詳後疏但馬鄭曾見孔壁古文不為別白者馬鄭所守衛宏賈逵古文說又與史公之問故孔氏安國者不同經文傳之既久不可改易仍為一篇分行以別之通經碩儒以為然否

**既克商二年****疏**二年者史記周本紀云十一年伐紂則此為武王十三年詩幽譜疏引鄭注云

武王于文王崩後六年伐紂後二年有疾則此為武王之十五年也史記集解引皇甫謐曰武王元年歲在乙酉則此年歲在丙戌也蓋帝王世紀之說尤不足信**王有疾弗豫注**史遷弗作不

豫一作念**疏**曲禮疏引白虎通曰天子病曰不豫言不

者書序武王有疾釋文云馬本作有疾不豫論衡死偽篇後漢禮儀志皆引作不豫與史公同也豫說文作念云喜也引此經釋文云豫二公曰我其為王穆卜周公本又作忤案忤非古字



曰未可以戚我先王注史遷說太公召公乃繆卜穆一

作睦鄭康成曰二公欲就文王廟卜戚憂也未可憂怖

我先王也周公既內知武王有九齡之命又有文王曰

吾與爾三之期今必瘳不以此終故止二公之下疏穆

釋詁云穆穆敬也單言亦為敬一切經音義引作睦並

引孔傳云睦敬也睦音近穆蓋正義已前本說文睦一

曰敬和也史記司馬相如傳咬咬睦睦漢書作穆穆史

公穆作繆者集解引徐廣曰古書穆字多作繆鄭注見

史記集解及書疏云二公欲就文王廟卜者繆書多士

云乃穆考文王周家世次文王為穆武王為昭也戚為

憂者詩傳云戚憂也怖者說文怖惶也或作怖言未可

憂怖我先王者入廟當行吉禮未可以疾病請禱當於

壇也云周公既內知文王有九齡之命云云者見文王

世子載其事云今必瘳不以此終者書疏引鄭志云弟

書疏十三

二

子趙商問曰若武王未終疾固當瘳信命之終雖請不  
得自古以來何患不為鄭荅曰君父疾病方困忠臣孝  
子不忍默爾視其欲獻歸其命于天中心惻然為之請  
命周公達于此義著在尚書若君父之病不為請命豈  
忠孝之志也案周公欲自禱請代故止二公之卜疑戚  
為近未可以戚我先王謂此大事未可僅禱於考廟當  
并禱太王王季于壇注公乃自以為功注史遷功作質為  
耳不應如鄭說也

三壇同墀為壇于南方北面周公立焉注馬融曰壇土

堂鄭康成曰時為壇墀於豐壇墀之處猶存焉疏功者

云功質成也功與質同訓壇者說文云祭場也墀者詩

傳云除地町町者蓋既除地為墀又加三壇其上鄭注

祭法云封土曰壇除地曰墀引此文史公功為質者晉

語云沈璧以質注云質信也沈璧以自誓為信自以為

質者以身為質也馬注見釋文云壇土堂者公羊莊十

三年傳莊公升壇注土基三尺土階三等曰壇鄭注見



書疏云時爲壇墠於豐地理志鄠豐水出縣東南今爲陝西長安縣地

**植**作戴珪作圭鄭康成曰植古置字

**疏**周禮大宗伯以禮玉作六器以禮

天地四方注云謂始告神時薦於神坐書曰周公植璧秉珪是也秉者釋詁云執也言植璧於神前秉珪於手史公植作戴者戴亦植也鄭注喪大記云戴之言植與植通易林需之无妄又作載月令釋文戴本作載是戴亦通載字爲珪者說文圭古文作珪鄭注見書疏云植爲古置字者喜平石經論語置其杖而芸今作植說文植重文作權故

知權置爲古字

**乃告太王王季文王史乃冊祝曰惟爾元孫某邁厲虐疾**

**注**史遷冊作策某作王發邁厲虐疾作勤勞阻疾阻一作淹鄭康成曰策周公所作謂簡書也祝者讀此簡書以告三王諱之者由成王諱之也

書疏十三

**疏**史史佚也洛誥云作冊逸誥逸卽史佚冊說文有冊字云告也疑孔壁古文冊作晉與下納冊之冊異祝

者猶召誥云祭主贊詞者武王于太王爲曾孫此稱元孫

厲氣致惡疾史公冊作策者策與冊經典通字聘禮云

百名以上書於策不及百名書於方注云名書文今謂

之字策簡也方板也疏云簡者未編之稱策是衆簡相

連之名案說文云冊象其札一長一短中有二編之形

古文作簡知冊卽策也某爲王發者發武王名禮臨文

不諱又父前子名古文本作王發與鄭康成所見本異

也云勤勞阻疾者邁厲爲勤勞蓋古今文之異非史公

詰訓言武王勤勞以致險疾也說文云阻險也集解引

徐廣曰阻一作淹淹與險聲相近疑經文本作淹疾史

公易爲阻也淹久也見廣雅釋

詰鄭注見史記集解及書疏

**若爾三王是有丕子之責于天**

**注**史遷丕作負馬讀如字鄭康成曰丕讀日不



愛子孫曰子元孫遇疾若汝不救是將有不愛子孫之過爲天所責欲使爲之請命也

**疏**

史公丕作負者曲禮疏引自虎通曰諸侯

疾曰負子子民也言憂民不復子之也後漢書隗囂傳囂告州牧部監等曰申命百姓各安其所庶無負子之職蓋謂民安其所乃無背棄子民之咎以負爲背也段氏玉裁云此文是有負子之責于天言武王有背棄子民之咎而將死也馬融讀如字見釋文云丕普悲反馬同馬氏蓋訓丕爲大與史公鄭康成俱異義者言天與三王以大慈愛其子孫之責任也鄭注見書疏丕讀曰不樂記云易直子諒之心注云子讀如不子之子用此經文史記索隱引作讀曰負恐誤也云愛以旦代某之子孫曰子者中庸子庶民注云子猶愛也

**身注**

史遷某作王發子仁若考能多材多藝能事鬼神

**注**史遷子仁若考能作且巧能乃元孫不若且多材多

書疏十三

藝不能事鬼神

**注**

史遷元孫作王發若作如

**疏**

史公某及元孫

皆作王發者古文如是子作且考能作巧能知考字當爲巧仁若考能言仁順子能也不若不能兩不字當讀爲不語詞中庸引詩曰不顯惟德鄭注云不顯言顯也則此言我多材藝能事鬼神乃元孫武王豈不多材藝能事鬼神乎事鬼神者謂生而主其祀乃命于帝庭敷事非謂死而事之僞傳孔疏說皆非也

佑四方

**注**

馬融曰武王受命于天帝之庭布其道以佑

助四方

**疏**

帝庭者詩文王云文王陟降在帝左右傳云帝天是也敷者詩傳云布也佑同祐說交祐

助也馬注見史記集解

用能定爾子孫于下地四方之民罔不祇

畏嗚呼無墜天之降寶命我先王亦永有依歸

**注**

史遷

爾作汝祇作敬寶作葆鄭康成曰降下也寶猶神也有



所依歸爲宗廟之主也。**疏**祇者釋詁云敬也。墜當爲隊。說文云從高隊也。詩禮釋文

俱云墜本作隊。國語注墜失也。史公寶作葆者易繫辭聖人之大寶曰位。釋文引孟喜本作保。雷侯世家集解

引徐廣曰史記珍寶字皆作葆是也。鄭注見史記集解云寶猶神也。者後漢皇甫嵩傳注云寶器猶神器也。故

云寶猶神也。今我卽命于元龜。**注**馬融曰元龜大龜也。爾之

許我我其以璧與珪歸俟爾命。**注**馬融曰待汝命武王

當愈我當死也。爾不許我我乃屏璧與珪。**注**史遷珪俱

作圭。**疏**卽者釋詁云就也。命謂命龜已下至屏璧與珪。皆命龜詞也。馬注俱見史記集解云元龜大龜

者馬注西伯戡黎云長尺二寸白虎通著龜篇引禮三正記云天子龜長一尺二寸諸侯一尺大夫八寸士六

寸許者廣雅釋詁云聽也。俟者釋詁云待也。屏同庠。廣雅釋詁云藏也。詩傳云屏蔽也。義亦近藏藏之者禮記

書疏十三

曾子問云天子諸侯將出以幣帛皮圭告于神明奉以出必告設奠卒斂幣玉藏兩階之間是藏幣玉之事。曲

禮正義云金勝告太王王季文王云爾之許我乃卜三龜一襲吉是能傳神命也。又云假爾泰龜有常假爾泰

誓有常爾謂指著龜也是爾之許我已下爲命龜之詞。乃卜三龜一習吉啟籥見

書乃并是吉。**注**史遷說周公已令史策告太王王季文

王欲代武王發於是乃卽三王而卜卜人皆曰吉發書

視之信吉周公喜開籥乃見書遇吉馬融曰籥藏卜兆

書管鄭康成曰籥開藏之管也開兆書藏之室以管乃

復見三龜占書亦合於是吉啟一作開。**疏**三龜者史公

而卜是太王王季文王前各置一龜以占祖考之意也。習者易象上傳云習坎重險也是習爲重籥者說文云



書僮竹筓也又云潁川人名小兒所書寫爲筓廣雅釋器云籥籥也一切經音義引纂文云關西以書篇爲書籥然則籥者竹觚非管籥也說文所用古文書義也并者漢書集注云合也史公云發書視之信吉又云開籥乃見書遇吉則亦以籥爲管籥也云遇吉者論衡卜筮篇云周武王不豫周公卜三龜公曰乃逢是吉逢者釋詁云遇也故史公作遇逢之與并亦聲相轉也馬注見釋文鄭注見書疏云籥卜兆書管者周禮卜師掌開龜之四兆注云開謂出其占書也書金縢曰開籥見書是謂與又地官司門掌管鍵以啟閉國門注鄭司農云管謂籥鍵謂牝說文闕闕下牝也据先後鄭以籥爲管鍵爲牝者方言云戶鑰自關而東謂之鍵自關而西謂之鑰文選注引鄭氏易注云齊魯之間名門戶及藏器之管曰籥蓋籥與鑰同鍵亦通稱內有牡鍵以牝管開之也

公曰體王其罔害注史遷無體字說爲人賀武王曰

罔作無

注

體謂龜之四體中庸云見乎著龜動乎四體鄭注云四體謂龜之四足春占後左夏占前

書疏十三

六

左秋占前右冬占後右周禮占人凡卜筮君占體大夫占色史占墨卜人占坻注云體兆象也引此文罔作無云凡卜象吉色善墨大坻明則逢吉玉藻卜人定龜史定墨君定體彼注云視兆所得也引周公曰體王其無害亦作無是

子小子新命于三王惟永終是圖茲攸俟

能念子一人注史遷以此爲賀武王之詞予小子作旦

新命作新受命永作長茲攸俟作茲道馬融曰一人天

子也鄭康成曰茲此也注予小子周公自稱新命者繫

所云祓齋自爲質也釋詁云永長也圖謀也茲此也攸

者釋言云所也念者方言云常思也予一人謂武王也

言我小子絜新以受命於三王惟長終是謀此所俟者祖宗能念武王耳周公自稱予小子則予一人必謂武王自虎通號篇云尙書曰王者自謂一人者謙也言已材能當一人耳臣下謂之一人何亦所以尊王者也以



天下之大四海之內所共尊者一人耳史公依作道者  
伎與猷聲相近方言云猷道也故說爲道馬鄭注俱見  
史記公歸乃納冊于金滕之匱中王翼曰乃瘳注史遷  
集解

翼作明納作藏鄭康成曰滕束也凡藏秘書藏之于匱必以金

緘其表翼一作翌疏滕者詩傳云繩也又約也匱者王

簪既事則繫幣而比其命歲終則計其占之中否注杜

子春云繫幣者以帛書其占繫之於龜也元謂既卜筮

史必書其命龜之事及兆繫于策繫其禮神之幣而合

藏焉引此經王與大夫盡弁之文云以待後日之發視也

納冊爲卜筮之常事非公欲爲此以待後日之發視也

翼者釋文云明也郭注引此作翌唐顏師古李善等注

書引此俱作翌說文作翌云明日也翼蓋假借字瘳者

詩傳云愈也史公納冊作藏策者漢書集注云納藏也

鄭康成注見書疏云金緘其表者一切經音義引字林

云緘束篋也魯語云得之金積注云積匱也金以金帶

書疏十三

七

其外也帶其外卽鄭所謂緘其表武王既喪注史遷作其後武王既崩

鄭康成曰文王十五生武王九十七而終終時武王八

十三矣於文王受命爲七年後六年伐紂後二年有疾

疾瘳後二年崩崩時年九十三矣疏喪者白虎通崩薨

死謂之喪何言其喪亡不可復得見也不直言死稱喪

者何爲孝子之心不忍言也尚書曰武王既喪鄭注見

詩幽譜疏云文王九十七而終武王崩時九十三矣據

文王世子之文鄭以旣喪爲免喪釋詁云卒旣也旣喪

謂終三年喪之後見下疏管叔及其羣弟乃流言于國曰公將不利  
于孺子注史遷孺子作成王鄭康成曰管國名叔字周  
公兄武王弟封于管羣弟蔡叔霍叔武王崩周公免喪



欲居攝小人不知天命而非之故流公將不利於孺子

之言於京師孺子謂成王也

**疏**

管叔名鮮史記周本紀云封弟叔鮮于管管蔡

世家云文王長子曰伯邑考次曰武王發次曰管叔鮮次曰周公旦次曰康叔封次曰冉季載是管叔為周公兄武王弟周書作洛解云武王立王子祿父俾守商祀建管叔於東建蔡叔霍叔於殷俾監臣是羣弟即謂蔡叔霍叔也管蔡世家云管叔蔡叔疑周公之為不利于成王不言霍叔霍叔既與蔡叔同監殷則羣弟兼及霍叔矣流言者荀子致仕篇云凡流言流說楊倞注云流者無根源之謂呂覽知度篇云不好淫學流說高誘注云邪說謂之流說詩破斧疏引書傳曰武王已死成王祿父及管蔡流言奄君薄姑謂祿父曰武王已死成王幼周公見疑矣此百世之時也請舉事然後祿父及商奄畔此即流言之事也孺子者說文云乳子也史記魯周公世家云武王既崩成王少在強葆之中周公恐天

書疏十三

八

下聞武王崩而畔周公乃踐阼代成王攝行政當國管叔及其羣弟流言於國曰周公將不利於成王此史公從孔安國問故而為之說是武王崩時成王在葆抱中文選魏都賦注襁負引博物志織縷為之以約小兒於背上是成王年止一二齡也淮南要略篇云武王立三年而崩成王在襁襁之中未能用事蒙恬列傳恬曰昔成王初立未離襁襁周公旦負王以朝是亦以成王在襁襁恬親見百篇未毀之書當可信也琴操云武王崩太子誦年七歲周易集解引干寶云武王之崩年九十三矣而成王八歲古尚書說云武王崩時成王年十三說俱乖異古尚書說蓋衛賈所說孔壁古文又與史公所問之故異也文王世子云成王幼不能蒞阼周公相踐阼而治抗世子法於伯禽欲令成王之知父子君臣長幼之道也成王有過則蹇伯禽所以示成王世子之道也案周公踐阼時欲令成王知父子君臣長幼之道則非強葆中矣故鄭不從史公說也鄭注見詩譜疏云周公免喪居攝者鄭注詩鴟鴞亦云時周公竟武王之喪欲攝政成周道致太平之功是以周公為免喪居攝



則以既喪爲終喪也既與終語之轉詩伐木曰終和且平卽邢曰既和且平與史公說異檀弓云古者天子崩王世子聽於冢宰三年春秋定四年傳云周公爲太宰据此則太宰禮當攝政至免喪猶攝政故管蔡疑之也

周公乃告二公曰我之弗辟我無以告我先王周公居

東二年注史公說爲周公告太公望召公爽曰我之所

以弗辟而攝行政者恐天下畔周無以告我先王於是

卒相成王管蔡武庚等果率淮夷而反周公乃奉成王

命興師東伐遂誅管叔殺武庚放蔡叔又云寧淮夷東

土三年而畢定馬融曰辟謂辟居東都鄭康成曰我今

不辟孺子而去我先王以謙讓爲德我反有欲位之謗

書疏十三

無以告于先王言媿無辭也居東者出處東國待罪以

須君之察已疏辟者說文作彛云法也周書曰我之不

氏言我之不法謂我不以法治管蔡則天下畔周無以

告我先王字與史公異而意同蓋古文說也史公以居

東爲興師東伐以二年爲寧淮夷東土二年而畢定者

周書作維解云武王克殷既歸乃歲十二月崩編葬于

岐周二公立相天子三叔及殷東徐奄及熊盈以畔周

公召公內弭父兄外撫諸侯元年夏六月葬武王于畢

二年又作師旅臨衛政殷殷大震潰降辟三叔王子祿  
父北奔管叔經而卒乃囚蔡叔于郭凌是亦以居東爲  
東伐也詩幽譜疏引書傳周公居攝一年救亂二年克  
殷三年踐奄是歐陽夏侯等亦不以居東爲辟居也馬  
注見釋文鄭注見幽譜疏馬鄭俱讀辟爲避者墨子耕  
柱篇云周公旦非闕叔辭三公東處于商蓋蓋卽奄也  
越絕書云周公傅相成王管叔蔡叔不知周公而讒之  
成王周公乃辭位出巡狩于邊論衡感類篇云古文家



以武王崩周公居攝管蔡流言王意狐疑周公奔楚故  
天大雷以悟成王皆與鄭合周頌雝疏引鄭以武王十  
二月崩成王三年二月禫周公避流言而出明年春禘  
是鄭以周公居東在成王禫後也此說與史公說又異  
蓋今文說如此王氏充以注則罪人斯得注史遷說管蔡  
爲古文者今文亦古說也

武庚等果率淮夷而反周公乃奉成王命與師東伐作  
大誥遂誅管叔殺武庚放蔡叔鄭康成曰罪人周公之  
屬黨與知居攝者周公出皆奔今二年盡爲成王所得

謂之罪人史書成王意也罪其屬黨言將罪之注罪人

以爲管蔡白虎通誅罰篇云尙書曰肆朕誕以爾東征  
誅弟也又云尙書曰誕以爾東征誅祿甫也此古文家  
說詩鳴鴉云既取我子無毀我室傳云寧亡二子不可  
以毀我周室詩幽譜疏云二子謂管蔡然則毛解金縢

書疏十三

十

之文其意皆異於鄭又云毛以罪人斯得爲得管蔡周  
公居東爲東征也是毛公與史公同以罪人爲管蔡蓋  
古文說也鄭注見詩鳴鴉疏以罪人爲周公之屬黨者  
鄭以詩鳴鴉云既取我子無毀我室箋云時周公竟武  
王之喪欲攝政成周道致太平之功管叔蔡叔等流言  
云公將不利於孺子成王不知其意而多罪其屬黨與  
者喻此諸臣乃世臣之子孫其父祖以勤勞有此官位  
土地今若誅殺之無絕其位奪其土地是鄭釋詩之言  
而爲此說周易集解蒙初六用說桎梏于寶云此成王  
始覺周公至誠之象將正四國之罪宜釋周公之黨則  
與鄭說同也鄭以成王迎周公歸攝政後東注于後鄭  
伐四國則居東之時所言罪人非管蔡也

康成曰于二年後也公乃爲詩以貽王名之曰鳴鴉注

史遷名作命鄭康成貽作怡曰怡悅也周公傷其黨屬

無罪將死恐其刑濫又破其家而不敢正言故作鳴鴉



之詩以貽王今幽風鳴鴉也鬻子斥成王

**疏** 貽當為詒 詩國風自

詒伊阻詒我彤管釋文皆作貽云本又作詒貽俗字幽風鳴鴉詩序云鳴鴉周公拔亂也成王未知周公之志公乃為詩以遺王名之曰鳴鴉焉詒作遺者爾雅釋言云詒遺也鳴鴉者釋鳥云鸚鳩方言云自關而東謂桑飛曰鸚鳩詩疏引陸機疏云鸚鳩似黃雀而小其喙尖如錐取茅莠為窠幽州人謂之鸚鳩或曰巧婦或曰女匠關東謂之工雀或謂之過羸關西謂之桑飛或謂之襪雀或曰巧女鄭注見詩幽譜疏及鳴鴉疏云怡悅者釋詁云怡樂也內則注怡悅也樂即悅云傷其屬黨無罪將死恐其刑濫又破其家者內詩有既取我子無毀我室而釋其意鳴鴉疏云馬昭云公黨已誅請之無及故但言請子孫土地斯不然矣鄭意以屬臣雖為王得罪猶未加刑焉馬昭之言非鄭旨也云鬻子斥成王亦見鳴鴉疏疏云經解喻尊猶言昊天斥王也

未敢誚公

**注** 史遷誚作訓鄭康成曰成王非周公意未

書疏十三

十一

解今又為罪人言欲讓之推其恩親故未敢

**疏** 誚者方言云讓

也說文誚云古文譙从言肖周書曰王亦未敢誚公史公作誚者廣雅釋詁云訓順也洪範于帝其訓是訓是行宋微子世家皆作順蓋言王意亦不從周公之言也段氏玉裁以訓為詒字从立心古文信字言王亦未敢信公也說見玉篇云信古文作訃蓋今文尚書誚作信亦或然也經文自武王既喪至此蓋史臣所記以終周公作金縢之事其秋大熟已下今文以為周公死後之事史記亦云周公卒後秋大熟考是亳姑逸文故別行以別之

秋大熟未穫

**注** 史遷說為周公在豐病將沒曰必葬我

成周以明吾不敢離成王周公既卒成王亦讓葬周公於畢從文王以明子小子不敢臣周公也周公卒後秋



未穫云云鄭康成曰秋謂周公出二年之後明年秋也

**疏**

此秋大熟已下有脫簡不知何年秋也穫者說文云刈穀也史公說為周公卒後秋未穫並言周公在豐

病將沒欲葬成周之事合之書序云周公在豐將沒欲葬成周公薨成王葬于畢告周公作亳姑則此是亳姑逸文成王所作與周公所作金縢別是一篇亳姑篇今亡猶可以此考見其云告周公者蓋以天變祝告改葬之則所云惟朕小子其迎我國家禮亦宜之謂惟我小子其逆于國家應有之禮亦宜有此天變也必後人因其文有以啟金縢之詞誤合于金縢耳又案大傳云周公致政封魯三年之後周公老於豐心不敢遠成王而欲事文武之廟然後周公疾曰吾死必葬于成周示天下臣于成王及周公薨成王欲葬之于成周天乃雷電以風禾即盡偃大木斯拔國人大恐成王曰周公死成事宗廟死欲聚骨于畢畢此文王之墓地故周公死成王不葬于國而葬之于畢示天下不敢臣也所以明有功尊有德故周公封于魯身未嘗居魯也忠孝之道咸

書疏十三

上

在成王周公之間故魯剋成王所以禮周公也已上大傳據孔氏廣林集本又史記魯世家云初成王少時病周公乃自揃其蚤沈之河以祝於神曰王少未有識奸神命者乃旦也亦藏其策於府成王病有瘳乃成王用人或譖周公周公奔楚成王發府見周公禱書乃泣反周公又徵之蒙恬傳恬曰昔周成王初立未離襁褓周公旦負王以朝卒定天下有成王有病甚殆公旦自揃其爪以沈于河曰王未有識是旦執事有罪殃旦受其不祥乃書而藏之記府及王能治國有賊臣言周公旦欲為亂久矣王若不備必有大事王乃大怒周公旦走而奔于楚成王觀于記府得周公旦沈書乃流涕曰孰謂周公旦欲為亂乎殺言之者而反周公旦恬時百篇之書未焚當親見之而為此說史公用其言以作魯世家是周公尚有為成王禱疾之事避居後成王發府得書迎周公其暴風雷雨之事在周公卒後也琴操云周金縢者周公作也書曰武王薨太子誦襲武王之業年七歲不能統理海內周公為攝政是時周公囚誅管蔡之後有誨公於王者言公專國大權詐謀將危社稷



成王聞之欲囚周公周公乃奔于魯而死成王以公禮葬之天乃大暴風疾雨禾稼皆偃木折傷成王懼而發金滕之書見周公所爲武王禱命以身贖之書成王執書而泣曰誰言周公欲危社稷者取所讒公者而誅之天乃反風霽雨禾稼復起此言周公被譖奔魯在誅管蔡之後與史記同而不言爲成王禱疾易林需之无妄云載壁秉珪請命于河周公剋敏沖人瘳愈亦言爲成王請命蓋古文書說然則墨子亦見百篇之文以爲非管叔東處于商蓋者或周公辟居兩旁或諸子誤以誅管蔡後避居爲東征與**天大雷電以風禾盡偃大木斯拔邦人大恐王與大夫盡弁****注**史遷說

大雷電以風爲暴風雷雨斯爲盡弁爲朝服古尙書說云武王崩時成王年十三後一年管蔡作亂周公東辟

之王與大夫盡弁以開金滕之書成王年十四言弁明

書疏十三

知已冠矣鄭康成曰弁爵弁天子諸侯十二而冠成王此時年十五于禮已冠而爵弁者承天變故降服也以

啟金滕之書**注**鄭康成曰開金滕之書者省察變異所

由故事也乃得周公所自以爲功代武王之說**注**說史

遷一作簡**說**大雷電以風雷當爲雨偃者孔氏安國注論語云仆也史公爲暴風雷雨者漢書周

舉傳注應邵引洪範五行傳作大雷雨論衡感類篇亦作雷雨則電爲誤字斯爲盡者高誘注呂氏春秋云斯猶盡也弁爲朝服者周禮司服云視朝皮弁玉藻云皮弁以日視朝故史公以朝服釋弁也古尙書說見公羊傳隱元年疏許君謹案武王崩成王年十三若十四而已冠是喪冠也不從古尙書說云成王年十四者譙周五經然否論引此異義云武王崩後管蔡作亂周公出居東是歲大風王與大夫冠弁開金滕之書成王年十



四是喪冠也蓋不以秋大熟爲二年後與鄭異也鄭注見書疏詩芄蘭疏云弁爵弁者穀梁文十二年傳疏云爵弁者儀禮士冠禮三加爵弁注云爵弁尊江氏聲云此以爵弁爲降服者爵弁非天子之服蔡邕獨斷云冕冠周用爵弁又云以三十升布爲穀廣八寸長尺二寸加爵冕其上周黑而赤如爵頭色前小後大周書曰王與大夫盡弁是同鄭說鄭以不加爵冕故曰降服也云天子諸侯十二而冠者左傳襄九年晉侯問公年季武子曰會于沙隨之歲寡君生晉侯曰十二年矣國君十五而生子冠而生子禮也君以冠矣淮南記論訓歲星十二歲而周天道十二而備故國君十二歲而冠冠而娶十五生子重國嗣也鄭說本此云成王年十五於禮已冠者穀梁傳文十二年注引譙周曰書稱成王十五而冠著在金縢亦與鄭說同也鄭注見書疏又云開金縢書省察變異所由故事者金縢之匱藏先王舊章必有可以考驗災異所由者即可知消伏之術成王不知有周公代武王之簡亦在內也說史二公及王乃公作簡者徐廣曰說一作簡或今文字也

書疏十三

古

問諸史與百執事注鄭康成曰問者問審然否也對曰

信懿注史遷懿作有馬融曰懿猶億也疏史公懿作有

魯世家藏其策金縢匱中上有云誠守者勿敢言故云信有也馬注見釋文云懿猶億者詩大雅懿厥哲婦箋云懿者有所傷痛之辭也疏引此經爲說易億喪貝釋文云本作噫干寶注億歎辭也又大雅抑篇楚語作懿韋昭云懿公命我勿敢言王執書以泣注鄭康成曰泣讀曰抑

者傷周公忠孝如是而無知之者曰其勿穆卜注史遷

作自今後其無穆卜乎昔公勤勞王家惟子冲八弗及

知注史遷冲作幼今天動威以彰周公之德惟朕小子

其新迎注史遷無新馬融新作親鄭康成曰新迎改先



時之心更自新以迎周公於東與之歸尊任之

**疏**史遷

幼者漢書翟義傳注冲稚也稚亦幼也迎之義亦為逆

禹貢同為逆河河渠書溝洫志皆為迎河史公無新字

則惟朕小子其迎言有逆禮致天變也馬注見釋文新

作親者言成王親迎周公毛詩東山序云東山周公東

征也周公東征三年而歸詩九罭我覲之子衮衣繡裳

傳云所以見周公也箋云王見周公當以上公之服往

見之是毛氏亦同馬說也越絕書三云周公辭位出巡

狩於邊一年天暴風雨又云王乃夜迎周公流涕而行

周公反國亦與此說同鄭注見詩東山我國家禮亦宜

**疏**云自新者成王悔不知周公之過

之**疏**白虎通喪葬篇云周公以王禮葬何以為周公踐

休氣充塞原天之意子愛周公與文武無異故以王禮

葬使得郊祭尚書曰今天動威以彰周公之德下言禮

亦宜之今文說皆如是則上云惟朕小子其逆者

言遭天變有逆禮之處逆非迎周公也又見後疏

王出

郊天乃雨反風禾則盡起

**注**馬融曰反風還反也鄭康

書疏十三

五

成日易傳云陽感天不旋日陽謂天子也天子行善以

感天不迴旋經日

**疏**郊者郊祭也因郊祭而止天變遂

命魯得郊祭文王白虎通喪葬篇亦云以王禮葬使得

郊祭後漢書和帝紀詔曰成王出郊而反風注云王乃

出郊祭天事見尚書禮運云魯之郊禘非禮也周公其

衰矣注言子孫不能奉行與之禮器云故魯人將有事

于上帝必先有事于頰宮注云上帝周所郊祀之帝謂

蒼帝靈威仰也魯以周公之故得郊祀上帝與周同郊

特牲云祭之日王被衮以象天注云謂有日月星辰之

章此魯禮也魯侯之服自衮冕而下也公羊僖卅一年

傳曰卜郊何以非禮魯郊非禮也何氏注云以魯郊非

禮故卜爾昔武王既沒成王幼少周公居攝行天子事

制禮作樂致太平有王功周公薨成王以王禮葬之命

魯使郊以彰周公之德非正故卜据此諸文是魯郊明



矣王氏充以出郊爲王出郊觀變論衡感類篇云開匱得書覺悟泣過決以天子禮葬公出郊觀變天止雨反風禾盡起馬注見史記集解云風還反者若風從東來還反從西鄭注見書疏引易傳者後漢書郎顛傳云易中孚傳曰陽感天不旋日注云易中孚傳曰陽感天不旋日諸侯不旋時大夫不過暮并引鄭注云陽者天子爲善一日天立應以善爲惡一日天立應以惡諸侯爲善一時天立應以善爲惡一時天立應以惡大夫爲善一歲天亦立應以善爲惡一歲天亦立應以惡一說不旋日立應之不旋時三辰間不過期從今且至明日且也陽卽指天子也又周舉傳舉對策引易二公命邦人傳同注以爲易稽覽圖文與此注同也

凡大木所偃盡起而築之歲則大熟注史遷邦作國馬

融曰築拾也禾爲木所偃者起其木拾其下禾乃無所

失亡也鄭康成曰文王崩後明年生成王則武王崩時

書疏十三

成王年十歲服喪三年畢成王年十二明年將踐祚周

公欲代之攝政羣叔流言周公辟之居東都時成王年

十三也居東二年成王收捕周公之屬黨時成王年十

四也明年秋大孰遭雷風之變時周公居東三年成王

年十五迎周公反而居攝之元年也居攝四年封康叔

作康誥是成王年十八也故書傳云天子太子十八稱

孟侯五年作召誥七年作洛誥伐紂至此十六年也作

康誥時成王年十八洛誥時年二十一也卽政時年二

十二也然則成王以文王終明年生也疏築者釋言云拾也釋文云



築本亦作筮馬注見釋文及史記集解書疏引作鄭注  
鄭注見詩幽譜疏明堂位疏云鄭用衛宏之說漢書律  
歷志云文王十五而生武王受命九年而崩崩後四年  
而武王克殷克殷之歲八十六矣後七歲而崩故禮記  
文王世子曰文王九十七而終武王九十三而終凡武  
王卽位十一年周公攝政五年正月丁巳朔旦冬至殷  
歷以爲六年戊午距湯公七十六歲入孟統二十九章  
首也後二歲得周公七年復子明辟之歲是歲二月乙  
亥朔庚寅望後六日得乙未故召誥曰惟二月既望粵  
六日乙未又其三月甲辰朔三日丙午召誥曰惟三月  
丙午朏古文月采篇曰三日曰朏是歲十二月戊辰晦  
周公以反政故洛誥曰戊辰王在新邑烝祭歲命作策  
惟周公誕保文武受命惟七年成王元年正月乙巳朔  
此命伯禽俾侯于魯之歲也此據三統歷所推與鄭說  
大同小異漢書梅福傳云昔成王以諸侯禮葬周公而  
皇天動威雷風著災儒林傳谷永上疏曰昔周公薨成  
王葬以變禮而當天心後漢書周舉傳詔問曰言事者  
多云昔周公攝天子事及薨成王欲以公禮葬之天爲

書疏十二

七

動變及更葬以天子之禮卽有反風之應舉對曰昔周  
公有請命之應隆太平之功故皇天動威以彰聖德注  
尙書洪範五行傳曰周公殽成王之策改周公之葬故天大雷  
雨禾偃木拔乃成王寤企殽之策改周公之葬尊以王  
禮申命魯郊而天立復風雨禾稼盡起張奐傳奐上疏  
曰昔周公葬不如禮天乃動威注尙書大傳周公薨成  
王欲葬之成周天乃雷電以風禾卽盡偃大木斯拔國  
人大恐王葬周公於畢示不敢臣也漢紀張奐上書曰  
昔周公旣薨成王葬不具禮天乃大風偃禾折樹成王  
發書感悟備禮改葬天乃立反風樹木盡起論衡感類  
篇金暎曰秋大熟未獲天大雷電以風禾盡偃大木斯  
拔邦人大恐當此之時周公死儒者說之以爲成王狐  
疑於周公欲以天子禮葬公公人臣也欲以人臣禮葬  
公公有王功狐疑於葬周公之間天大雷雨動怒示變  
以彰聖功又曰開匱得書覺悟泣過決以天子禮葬公  
出郊觀變天止雨反風禾盡起路史及張奐傳注引尙  
書大傳見前疏何休注公羊曰昔武王旣沒成王幼少  
周公居攝行天子事制禮作樂致太平有王功周公薨



成王以王禮葬之命魯使郊以彰周公之德按此諸說皆今文尙書則知秋大熟已上自有脫文鄭氏王充所見本已在金縢篇孔子作書序時自是亳如文也

光緒歲在闕逢涒灘國子監肄業生吳縣朱記榮校刊

金縢第十三終

書疏十三

六

光緒甲申小春  
月白堤八字橋  
孫谿槐廬家塾



大誥第十四 周書五 尙書今古文注疏卷十四

賜進士及第授通奉大夫山東督糧道加三級孫星衍撰

**注** 史遷說初管蔡畔周周公討之三年而畢定故初作

大誥又說管蔡武庚等果率淮夷而反周公奉成王命

興師東伐作大誥 **疏** 史公說見周本紀又見魯周公世

辟居東土又以周公奔楚在七年還政之後故此大誥

為周公作也鄭氏以周公避流言而居東成王迎歸乃

伐管蔡詩東山箋云成王既得金縢之書親迎周公周

公歸攝政三監及淮夷畔周公乃東伐之三年而後歸

耳與史公所問 孔安國故不同

王若曰 **注** 鄭康成曰王謂攝也周公居攝命大事則權

代王也 **疏** 鄭注見書疏云王謂攝者明堂位云昔周公

注云天子周公也明堂之位天子負斧依南鄉而立

天下史記魯周公世家云武王既崩成王少在強葆之

中周公恐天下聞武王崩而畔周公乃踐祚代成王攝

行政當國周公既踐天子之位則稱王作誥鄭以王為

周公是也若謂是周公述王命以誥則當如多方言周

公曰王若曰或如多士先言周公告乃復言王若曰今

此文不然則是王即周公矣云命大事則權代王者見

後有善者也漢書翟方進傳莽依周書作大誥作攝皇

帝若曰是劉歆等所為多用今文說亦以王為攝也

猷大誥爾多方越爾御事 **注** 猷一作繇在大誥下 **疏** 釋

云馬本作大誥繇爾多邦書疏云鄭本猷在誥下漢書

翟方進傳云大誥道諸侯王三公列侯于汝卿大夫元

士御事注應邵曰言以大道告于諸侯已下也御事主

事也案釋詁云繇道也方言云猷道也是繇與猷通越

書疏十四



漢書作於越聲近粵釋詁云粵于日也是弗弔天降割  
越可爲于御者詩箋云治也引此經以證弗弔天降割  
于我家不少延注馬融割作害鄭康成曰言害不少乃

延長之疏弔者鄭注費誓無敢不弔云弔至也至猶善  
也則弔善也漢書五行志引左傳旻天不弔

注應邵曰旻天不善於魯家春秋左氏襄十四年傳云  
若之何不弔卽雜記云如何不淑襄十三年君子以吳

爲不祥越語云助天爲虐者不祥弗弔天當連讀言此  
不祥善之天降害于我家也降者釋詁云下也割者廣

雅釋詁云害也降害于我家謂武王旣喪不少延謂遭  
喪後又值三監之畔故云延釋詁云延長也僞傳訓弔

爲至顏師古注翟義傳云不弔不爲天所弔閔皆于文  
義不協割馬本作害見釋文鄭注見書疏以割爲害者

與馬疏洪惟我幼冲人嗣無疆大歷服注歷一作疏與  
同鴻聲相近釋詁云鴻代也鄭氏注康誥乃洪大誥治云

周公代成王誥則此亦代成王之詞漢書作洪惟我幼  
冲孺子注師古曰洪大也惟思也冲雅也僞傳以洪字

書疏十四

屬上句非嗣無疆大歷服漢書作承繼嗣無疆大歷服  
事嗣者釋詁云繼也疆者詩傳云竟也歷者釋詁云數

也郭注云歷歷數也服事也周公言代我冲人繼無竟  
歷數之事歷魏三體石經作疏弗造哲迪民康矧曰其

說文疏或作疏歷歷形近歷也疏弗造哲迪民康矧曰其  
有能格知天命疏漢書作子未遭其明愆能道民于安

况其能往知天命注師古曰言不遭  
遇明智之人以自輔佐而道百姓於安道讀曰導案造

爲遭者呂刑兩造具備史記造作遭哲者釋言云智也  
釋詁云迪道也康安也知况也格至也格爲至故可爲

來亦爲往漢書作往也言不能前知天命釋詁云迪進  
也康安也格陞也陞之義爲上言弗遭哲進民安者不

遇賢人進用使民安樂况能上知天命乎下文云亦惟  
茲十人迪知上帝命漢書以迪

下屬爲道民於安或今文說也疏已子惟小子若涉淵水

子惟往求朕攸濟敷賁疏漢書作熙我念孺子若涉淵  
水子惟往求朕所濟渡奔走



以已爲熙聲相近惟爲念攸爲所濟爲渡賁爲奔走案已者釋詁云咨已此也咨蹉也是已與咨同訓惟者釋詁云思也與念同義攸爲所者釋言文濟者釋言云渡也敷疑衍文賁者風俗通云虎賁猶言虎之奔是賁與奔同言我思小子如涉澗水我惟往求所渡之人任奔走之事漢書武帝紀詔曰若涉淵水未知所濟用此文也江氏聲說敷爲傳

閉漢書敷爲傳近奉承閉爲比云子豈敢自比於前人乎敷爲傳者廣雅釋言云傳敷也又云近者鄭

注考工記云傳近也又以爲奉承者漢語求其通俗重疊訓釋之比與閉聲相近言我依附祖考受此天命不忘大功豈敢比於前人乎此今文說經作閉者于天降韋昭注晉語云閉壅也若君爽云遏佚前人光

威用寧王遺我大寶龜紹天明卽命注鄭康成曰受命

曰寧王承平日平王時既卜乃後出誥故先云然寶一

書疏十四

作僂疏于者釋詁云粵于也天降威用寧王漢書作天降威明用寧帝室注師古曰威明猶言明威也

案釋詁云威則也則者法也言天降明法于靈龜以寧王室前漢人用今文之義如此紹天明漢書作迺紹天明意注師古曰紹承也案下又云詔子詔卽紹字鄭注禮器云詔或爲紹釋詁云紹導也命者大命漢書作卽命居攝踐祚則此言周公攝王以卽大命也鄭注見書疏云受命曰寧王者君爽云惟寧王德鄭注云寧王者

文王也又注洛誥云周公謂文王爲寧王成王亦謂武王爲寧王此一名二人兼之云承平日平王者詩何彼穠矣平王之孫傳云平正也文王孫曰有大艱于西土是與漢書說異也寶魏石經作僂

西土人亦不靜越茲蠡注鄭康成曰周民亦不定其心

騷動言以兵應之曰一作粵蠡一作截疏曰者漢書作反虜擅興師

動衆曰則有大艱云云卽指管蔡流言也靜漢書作靖越茲蠡漢書作於是動艱者釋詁云難也靖者說文云



亭安也越同粵釋詁云於也蠢者釋詁云動也說文云蠢動也古文作載周書曰我有載於西節用此文也載既為孔壁古文故魏石經用之曰作粵亦魏石經也鄭注見書疏云周民亦不定其心者以靜為寧釋詁云寧靜也

**殷小腆**注馬融曰腆至也鄭康成曰腆謂小國也

馬注見釋文段氏玉裁云至也當為主也說文云數主也鄭注見書疏云腆小國者方言云腆厚也說文云腆多也左傳謙詞多言不腆誕敢紀其緒疏犯祖亂宗之小腆猶不腆故云小國

序注師古曰誕大也紀蓋今文作犯形相近緒與序通古文作紀者廣雅釋言云統紀也漢書注如淳云統繼也則紀天降威知我國有疵民不康注馬融曰疵瑕也

鄭康成曰知我國有疵病之瑕疏寶龜固知國有疵災使民不安注師古曰皆病也案疵病康安釋詁文依漢書當言天下法則以命龜先告我以國有疵病使民不

書疏十四

安即上文所云遺我寶龜下文云卜并吉得吉卜也馬注見釋文鄭注見書疏曰予復反鄙我

周邦疏漢書作是天反復右我注師古曰右讀曰祐則今文當言天命反復助我復反猶云反復也古

文皆為鄙與圖字形近釋詁云獸圖也或今文作猷聲近祐故漢書作祐今蠢今翼日民獻

有十夫注大傳獻作儀子翼以于救寧武圖功疏今蠢

日漢書作粵其聞日注孟康曰反書上聞日也則此言今武庚蠢動之日及明日也翼說文作昱云明日也民

獻漢書作民獻儀注孟康曰民之表儀謂賢者獻者釋詁云聖也儀者廣雅釋言云賢也子翼以于救寧武圖

功漢書作子敬以終於此謀繼嗣圖功翼為敬武為繼圖為謀皆釋詁文此今文說也經作于者詩箋云往也

救者釋詁云撫也言子敬以之我有大事休朕卜并吉往撫寧民心以繼所謀功績也

注鄭康成曰卜并吉者謂三龜皆從也疏大事者戎事也周禮太宰

云作大事則戒百官休者釋詁云美也鄭注見書疏云  
三龜皆從者古人卜用三龜而以玉兆瓦兆原兆三兆  
各占一肆予告我友邦君越尹氏庶士御事曰予得吉  
龜也

小子惟以爾庶邦于伐殷逋播臣疏肆漢書作故釋詁  
文尹氏者書疏云

即顧命云百尹氏也尹正也諸官之正謂卿大夫于者  
詩箋云往也逋者說文云亡也播者李登聲類云散也  
殷亡散臣爾庶邦君越庶士御事罔不反曰艱大注艱  
謂祿父

一作艱民不靜注鄭康成曰汝國君及下羣臣不與我

同志者無不反我之意云三監叛其為難大亦惟在王

宮邦君室注漢書罔作無艱作難注師古曰言爾等國  
君或有亦曰禍難既大衆庶不安鄭注見

書疏艱魏石經作艱越小子考翼不可征王害不違卜  
難說文艱或作艱

書疏十四

**疏**漢書作於小子族父敬不可征注師古曰於孺子為  
族父當加禮敬不可征討則此言三監於小子為父

行當敬之不可討也王何不違肆子冲人永思艱曰嗚  
乎廣雅釋詁云害易何也

呼允蠹鰥寡哀哉疏漢書作故子為冲人長思厥難肆  
故永長艱難皆釋詁文允蠹鰥寡

漢書作所犯誠動鰥寡注師古曰無妻無夫之人亦同  
受其害允誠蠹動釋詁文此言故子為幼君長思其難

三監之叛誠擾動子造天役遺注馬融曰造遺也大招  
鰥寡可哀之甚

艱于朕身越子冲人不叩自恤疏漢書作子遭天役遺  
大解難於子身以為

孺子不身自卹注師古曰言天以漢家役事遺我而今  
身解其難故我征伐以為孺子除亂非自憂己身也造

者遭也見上疏役者廣雅釋詁云使也遺者釋言云貽  
遺也投者說文云擿也漢書作解疑投本掄字說文掄

解掄也艱難朕我叩我恤憂皆釋詁文馬注義爾邦君  
見釋文云遺也疑遭也之誤恤魏石經作卹







師古曰言有至誠之辭則爲天所輔累託也言天以百姓託我曷敢不謀終祖宗安人之功也害讀曰曷下皆類此案肆子之肆當爲今釋詁文漢書注師古曰肆陳也陳其理而告之非也大化誘猶云大化道馬融顧命云誘道也詩傳云牖道也疏云牖與誘古字通用漢書孔光傳光引書曰天棐誠辭說之云言有誠道天輔之也釋詁云棐備也謹誠也其考我民今文作天其累我以民古文作其考者釋名云考成也亦言槁也案槁爲槁勞之古字下文云天亦惟用勤慤我民孟康亦釋爲勞考勞聲相近又與累聲相轉則考我民謂勞我以民也曷作害者廣雅釋詁云害曷何也寧人漢書多作安人是今文以寧王寧人爲安王室安民不如鄭說以寧王爲文武也

天亦惟用勤慤我民若有疾子曷敢不于前

寧人攸受休畢

**疏**

漢書勤慤作勞無用字曷作害前寧人作祖宗攸作所畢作輔注師古曰

言天欲撫勞我衆衆若有疾苦我曷敢不順祖宗之意休息而輔助之慤與祕同故爲勞見上疏古文休畢今

書疏十四

七

文作休輔畢與弼聲相近同在韻書四質疑古文本作弼經作畢者據上文云圖功攸終則此言畢者廣雅釋詁云

王曰若昔朕其逝朕言艱日思

**疏**昔者夜也列子周穆王篇云昔

昔夢爲國君張湛注云夜夜也若者言如前夕逝者釋詁云往也言我前夕東征所言作室菑田之不易當日思之卽下若考云云也又案墨子越絕論衡俱以爲周公避居東土馬鄭義同蓋今文說則此云若昔朕其逝謂昔時往居東也

若考作室旣底法厥子乃弗宥堂矧宥構

**注**

宥一作克矧宥構一作矧弗宥構厥考翼其宥曰子有

後弗棄基

**注**

鄭康成曰其父敬職之人其宥曰我有後

子孫不廢棄我基業乎子一作我

**疏**

漢書云子聞孝子善繼人之意忠臣

善成人之事在若考作室之上則此周公以勉成王也卽所謂朕言艱矣釋詁云底定止也宥可也構者說文



云蓋也杜林以爲椽稱字言如父作室既底定于法矣  
其子弗冒爲堂基況冒蓋屋乎言不冒也後漢書肅宗  
紀云不克堂桓注引尙書乃不冒堂矧冒桓疑桓是桓  
楹今文構作桓也陳壽三國志用克構字則今文冒爲  
克也矧冒構一作矧弗冒構者書疏引定本云鄭注厥  
見詩文王有聲疏子鄭箋引書作我翼爲敬釋詁文  
父苗厥子乃弗冒播矧冒穫注一作矧弗冒穫厥考翼

其冒曰子有後弗棄基

**疏**

漢書作子思若考作室厥子

室之意則子當築堂而構焚燎以成之漢書又云厥父  
苗厥子播而穫之反土爲苗一曰田一歲曰苗案苗者  
郭注爾雅云今江東呼初耕地反草爲苗詩采芑疏引  
孫炎云苗始災殺其草木也說文云苗不耕田也不當  
爲才字之誤也說文云播種也穫刈穀  
也一作矧弗冒穫見書疏引定本云肆子曷敢不越

印救寧王大命

**疏**

漢書作子害敢不於身撫祖宗之所  
受大命曷作害越作於印作身救作

書疏十四

八

撫俱見

若兄考乃有友伐厥子民養其勸弗救

**疏**

漢書

祖宗邁有效湯武伐厥子民長其勸弗救注師古曰譬  
有人來伐其子而長養彼心反勸助之弗救其子正以  
子惡故也言湯武疾惡其心亦然今所征討不得避親  
當以公義案漢書用今文說而云效湯武伐厥子則湯  
武周公自比厥子謂武庚也若兄考考者父也泛譬之  
也民長益長民者勸弗救謂相戒弗救其子民長指謂  
國君羣臣言當從王討殷勿救之伐者白虎通誅伐篇  
云擊也疑今文義如此故漢書依仿之段氏玉裁云友  
作效者友與父形相近今文友蓋作交說今文家或云  
交者效也效湯武也故漢書用其說案養爲長者夏小  
正云執養宮事傳曰養長也段君又云考成也謂若兄  
有成業而有同志之友忽伐其子叔父其長也其可相  
戒勿救乎兄者周公謂武王也厥子成王也伐其子謂  
武庚等民之長如周公及國君羣臣其可相勸勿救乎  
江氏聲說亦略同但此篇既依今文解經漢書有效湯



武之言則伐厥子不得  
謂武庚之伐成王矣  
王曰嗚呼肆哉爾庶邦君越爾

御事爽邦由哲亦惟十人迪知上帝命

疏漢書嗚呼作鳥虜爽邦由

哲作其勉助國道明肆者釋詁云力也爽者方言及廣  
雅釋詁皆云猛也猛與孟聲相近釋詁孟勉也說文云  
爽明也明都即孟諸明孟通字是明亦勉也哲者釋言  
云智也智即明也故漢書以爽為勉助以哲為明也迪  
者釋詁云進也十人即論語子有亂臣十人書偽泰誓  
疏引先儒鄭元等皆以十人為文母周公太公召公畢  
公榮公太顛闕天散宜生南宮括也言爾邦君羣臣各  
出爾力哉勉于邦事者由明智之人亦惟茲十人進用  
則知天命所在也漢書讀為迪知上帝命則如前文迪  
民康以迪為道今文說也漢書注師古曰迪亦道也言  
當遵道而越天棐忱爾時罔敢易法矧今天降戾于周  
知天命

邦 疏漢書作粵天輔誠爾不得易定注師古曰粵辭也  
天道輔誠爾不得改易天子之定命漢書又云況

書疏十四 九

今天降定于漢國案越為粵聲相近棐備忱誠俱見上  
疏時者釋言云是也法字古作金與定相似故今文為  
定矧况釋詁文戾定釋詁皆訓為止詩傳云戾定也言  
天方輔我之忱汝是無敢易法况我周邦有定命乎

惟大艱人誕鄰胥伐于厥室爾亦不知天命不易

疏言此

大發難之人大近相伐于其家謂三監之近伐王家不  
顧同室也天命不易即上文所云降定于周邦詩傳云  
鄰近也漢書作惟大艱人大逆欲相伐于厥室豈亦知  
命之不易乎注師古曰言不知天命不可改易乃大為  
艱難以干國紀是自相謀誅伐其室也艱古艱字案鄰  
聲近遊說文遊行難也或作隣故誕鄰即大難漢書以  
大逆訓之

予永念曰天惟喪殷若穡夫予曷敢不終朕

畝 疏漢書穡作嗇曷作害朕畝作予晦注師古曰嗇夫  
治田志除草穢天之欲喪義信事亦如之我當順

天以終竟田晦之事案穡作嗇者說文云嗇愛濇也从  
來从尙來者尙而藏之故田夫謂之嗇夫古文作嗇又



解穡云穀可收日穡二字假借通用曷作害朕作予見  
上疏畝作晦說文晦或作畝此言我長念曰天思喪殷  
矣我如嗇夫主藏穀之事當終治  
我田畝方有收穫以順天心也  
天亦惟休于前寧人

予曷其極卜敢弗于從  
**疏**漢書作天亦惟休于祖宗予  
害其極卜害敢不于從注師

古曰言天美祖宗之事我何其極卜法敢不往從言必  
從也案此言天亦思美于祖父安人之業我何為究極  
之于卜事哉卜之以安衆心  
率寧人有指疆土矧今卜  
何敢不往從征于往見上疏

并吉肆朕誕以爾東征天命不僭卜陳惟若茲  
**疏**漢書  
指作

旨矧作況肆作故誕作大天命不僭作命不僭差卜作  
兆茲作此注師古曰言循祖之業務在安人而美疆土  
況今卜并吉也言不可不從也案率者釋詁云循也指  
書疏三云旨意皆作旨知經文之指是後人所改說文  
云旨美也矧況肆故誕大皆見上疏僭者廣雅釋詁云  
差也詩箋云僭不信也卜作兆者說文兆灼龜坼也卜

書疏十四

十

灼剝龜也象炙龜之形一曰象龜兆之從橫也茲此釋  
語文曰虎通誅罰篇云誅不避親戚尙書肆朕誕以爾  
東征誅弟也又云征猶正也尙  
書曰誕以爾東征誅祿父也

光緒甲申小春  
月白堤八字橋  
孫谿槐廬家塾

光緒歲在閏逢涪灘國子監肄業生吳縣朱記榮校刊

大誥第十四終



康誥第十五 周書六 尚書今古文注疏卷十五

賜進士及第授通奉大夫山東督糧道加三級孫星衍撰

**注**馬融曰康圻內國名鄭康成曰康諡號疏馬注見書

國名者史記衛康叔世家索隱云康畿內國名宋忠曰康叔從康徙封衛畿內之康不知所在案司馬氏貞引宋忠之言是康之為國出世本也衛世家云康叔卒子康伯代立索隱曰系本康伯名髡宋忠曰即王孫卒也事周康王為大夫案康叔子又稱康伯則康非諡甚明舊說以為國名是也路史國名紀云姓書康叔故城在潁川宋衷以為畿內國書蓋何氏姓苑今亡在潁川者說文邠潁川縣漢書地理志潁川有周承休侯國元始二年更名邠集韻邠縣名在潁川又有邠同音地名則即康也元始二年復古稱邠今河南汝州是鄭注見書疏以康為諡號者衛世家云康叔卒子康伯代立索隱曰譙周古史考無康伯云子牟伯立蓋以不宜

書疏十五

父子俱諡康故因其名云牟伯也則譙周亦以康為諡也書疏云康亦國名而在圻內馬王亦然惟鄭元以為諡號故知當有此馬鄭注諸家脫之誥者周公所作以告康叔春秋左氏定四年傳子魚曰昔武王克商成王定之選建明德以蕃屏周分康叔以大路少帛倩棗旃旌大呂殷民七族陶氏施氏繁氏錡氏樊氏饑氏終葵氏封畛土略自武父以南及圃田之北竟取於有閭之士以其王職取於相土之東都以會王之東蒐聃季授士陶叔授民命以康誥而封於殷虛皆啓以商政疆以周索杜注云康誥周書殷虛朝歌也衛世家云衛康叔名封周武王同母少弟也周公旦以成王命與師伐殷殺武庚祿父以武庚殷餘民封康叔為衛君居河淇間故商墟周公旦懼康叔齒少乃申告康叔曰必求殷之賢人君子長者問其先殷所以興所以亡而務愛民故謂之康誥以命之康叔之國既以此命能和集其民民大說成王長用事舉康叔為周司寇賜衛寶祭器以章有德地理志云河內本殷之舊都周既滅殷分其畿內為三國詩風邶庸衛國是也邾呂封紂子武庚庸管



叔尹之衛蔡叔尹之呂監殷民謂之三監故書序曰武王崩三監畔周公誅之盡呂其地封康叔號曰孟侯以夾輔周室遷邠庸之民於洛邑

惟三月哉生魄注馬融曰魄朏也謂月三日始生兆朏

名魄一作霸注大傳云周公攝政四年建侯衛則三月為四年之三月也哉者釋詁云始也魄

說文作霸云月始生霸然也承大月二日小月三日引此經古文作齊鄉飲酒義云月三日則成魄白虎通日月篇云月之為言闕也有滿有闕也所以有闕何歸功於日也三日成魄八日成光二八十六轉而歸功晦至朔旦受符復行故援神契日月三日而成魄詩天保至云日月在朔交會俱右行於天日遲月疾從朔而分至三日月去日已當二次始死魄而出漸漸遠日而月光稍長八日九日月體正半昏而中似弓之張而弦直謂上弦也漸進至十五十六日月體滿與日正相當謂之望從此漸虧至二十三日二十四日亦正半在謂之下

書疏十五

二

弦漸虧至晦而盡諸家皆言三日為魄以二日有時不見也蓋前月有三十日則是月合朔早二日初昏月去日差遠已有微明見於西方前月二十九日小盡則是月合朔晚二日初昏月去日未遠未可得見必三月初昏始見西方也漢書律歷志三統云死霸朔也生霸望也又云周書武成篇惟一月王辰旁死魄注孟康曰魄月質也月二日已往月魄死故言死魄與劉歆三統說同蓋以霸為月質無光之處生則無光之處漸長故云望未知其何以與禮記白虎通說文異說馬注見釋文說文云朏月未盛之明从月出律歷志引古文月采日三日曰朏召誥疏引作周書月令云三日粵朏法言五百篇云月未望則載魄於西既望則終魄於東宋咸曰載魄當作朏其實魄即朏也云三日始生兆朏名曰魄與說文二日三日異者馬据其見於西方言之二日有時不見也

周公初基作新大邑于東國洛四方民大和會注

大傳說周公營洛以觀天下之心於是四方諸侯率其



羣黨各攻位於其庭周公曰示之以力役且猶至況導之以禮樂乎然後敢作禮樂鄭康成曰此時未作新邑基謀岐鎬之域處五嶽之外周公爲其于政不均故東行于洛邑合諸侯謀作天子之居四方民間之同心來會樂卽功作効其力焉是時周公居攝四年也隆平已至新大邑一作新邑

**疏**

大傳說作禮樂者大傳云周公將作禮樂優游之三年不能作

書疏十五

三

所至諸侯四面朝於方嶽之下岐鎬西土遠在雍州故云五嶽之外也云爲其於政不均故東行於洛邑合諸侯謀作天子之居者漢書婁敬傳敬曰成王卽位周公之屬傅相焉乃營成周都雒邑爲此天下中諸侯四方納貢職道里鈞矣有德則易以王無德則易以亡凡居此者欲令務以德致人不欲阻險令後世驕奢以虐民也呂氏春秋長利篇南宮括曰君獨不聞成王之定成周之說乎其辭曰惟余一人營居於成周惟余一人有善易得而見也有不善易得而誅也可以證婁敬之言是周公作洛之意於政不均爲道里不均且不欲阻險虐民也云四方民同心來會卽功作者釋詁云協和也會合也說文云協衆之和同也協同心之和是也云居攝四年者據大傳言四年建侯衛也云隆平已至者言致太平也詩維天之命序云太平告文王也箋云告大平者居攝五年之末也文王受命不卒而崩今天下太平故承其意而告之明年制禮作樂是也新大邑大傳引作新邑

侯甸男邦采衛

鄭康成曰不見要服者以無大字



遠于役事而恒闕焉

**疏** 侯甸男邦采衛九服之五也見周禮職方氏其外則蠻服夷服

鎮服蕃服也蠻服已內謂之中國蠻服亦謂之要服去王城三千五百里周語云侯衛賓服注云此總言之也

侯侯圻也衛衛圻也言自侯圻至衛圻其間凡五圻五百里五五二千五百里中國之界也五圻者侯圻之外

曰甸圻甸圻之外曰男圻男圻之外曰采圻采圻之外曰衛圻周書康誥曰侯甸男邦采衛是也案職方氏之

九服於大司馬為九畿韋氏注國語畿為圻古字通也周禮注云故書又為近鄭注見書疏云不見要服者周

禮九服經舉其五要服即蠻服也云遠于役事者大傳云諸侯率其羣黨各攻位於其庭周公曰示之以力役

且猶至是作洛為役事不百工播民和見士于周

宜勞民於中國以外也釋詁云官也播者說文云布也見者天官書以星見為效正義曰效見也士者詩傳云事也言百官布列民皆和悅效事於周公咸勤

書疏十五

四

洪大誥治鄭康成曰洪代言周公代成王誥王若曰

**注** 鄭康成曰總告諸侯鄭注見書疏云洪代者釋詁文爾雅作鴻古字通也云周

公代成王誥者下稱王若曰居攝則稱王然仍是周公之言故又曰朕其弟也孟侯

天子太子年十八曰孟侯孟侯者於四方諸侯來朝迎

於郊者問其所不知也問之人民之所好惡地上所生

美珍怪異山川之所有無父在時皆知之鄭康成曰依

略說太子十八為孟侯而呼成王

**疏** 稱孟侯者古文說謂康叔漢書地理志云周公封弟康叔號曰孟侯呂夾輔周室注師古曰

孟長也言為諸侯之長依史記言成王在襁褓周公攝政則非年十八不得稱孟侯且迎諸侯於郊故古文以

為稱康叔也大傳說益今文也且略說以為太子之稱



者鄭注云孟迎也太子稱侯者袁宏後漢紀云靈帝皇子辯養於史道人家故號為史侯皇子協養於董太后宮號為董侯俱用尚書說稱之也釋詁云侯君也故太子稱孟侯猶云長君也鄭注見書疏鄭雖為古文學兼用今文說

**朕其弟小子封**  
名史記管蔡世家云武王此類是也

同母兄弟十人母曰太妣文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載是康叔為周公同母弟故曰朕其弟稱小子者猶云小子以下文也

惟乃丕顯考文王克明德慎罰述文王故謂之小子也

**注**大傳說子夏曰昔者三王愨然欲錯刑遂罰遂罰平

心而應之和然後行之然且曰吾意者以不平慮之乎吾意者以不和平之乎如此者三然後行之此之謂慎

書疏十五

五

**罰疏**  
釋詁云丕大也顯光也克者釋言云能也明聲近孟故明都卽孟諸釋詁云孟勉也大學引此經說

之云皆自明也亦謂自勉大傳引作克明俊德楚語申公巫臣曰周書曰明德慎罰文王所以造周也明德務崇之之謂也慎罰務去之之謂也荀子正論篇引經克明明德說之以主道宣明不當以元而難知者使人疑此非經本旨也慎者釋詁云靜也堯典所謂惟刑之謐言文王尙德緩刑也大傳說引子夏之言蓋今文夏侯引前賢之義以解經也鄭注云錯處也遂行也此解慎為謹慎說文慎謹也古文作脊

不敢侮鰥

寡庸庸祗祗威威顯民用肇造我區夏越我一二邦以

**修我西土疏**  
侮者說文云傷也傷輕也春秋左氏成八年傳韓厥引周書曰不敢侮鰥寡所以明

德也釋訓云庸庸勞也釋詁云祗敬也廣雅釋訓云祗祗畏畏敬也威與畏經典通用春秋左氏宣十五年傳云周書所謂庸庸祗祗者杜注云用可用敬可敬案杜義本古書說則威威當為畏可畏也顯者釋詁云見也



酒誥云厥命罔顯於民則此顯民言顯於民也言文王不侮傷鰥寡既勞且敬以見我民肇者釋詁云始也夏者說文云夏中國之人也區夏者薛綜注東京賦云區區域也越同粵釋詁云於也修者鄭注中庸云治也西土謂岐鎬言文王始造我區域於中夏於我一二友邦以修治我西土王氏引之以此絕句云猶言修和我有夏是也徐幹中論法象惟時怙冒聞於上帝帝休時惟

篇云文王祗畏造區夏惟時怙冒聞於上帝帝休時惟怙冒王氏引之云當為句怙與祐聲相近釋詁云祐厚也賈子容經云祐大福也冒懋勉也君爽云乃惟文王迪見冒馬本作勗云勉也盤庚懋建相爾懋建大命漢石經俱作勗惟時怙冒言惟是大懋勉也怙冒與丕冒同意君爽又云我咸成文王功于不怠丕冒又云惟茲四人昭武王惟冒皆為懋勉也周書祭公解云昭王之之所助勗與冒通傳釋冒為覆冒失之且斷句不詞王氏引之云趙岐注孟子論衡初稟篇並引康誥曰冒聞于上帝疑今文如此讀說文云卯冒也二月萬物冒地而出是冒有上進之義論衡初稟篇引而說之云言文

書疏十五

六

王行道上聞於天天乃大命之也則惟時怙上屬言西土惟是恃也釋詁云怙恃也休者釋言云慶也易繫詞云積善之家天乃大命文王注大傳說天之命文王非必有餘慶

惇惇然有聲音也文王在位而天下大服施政而物皆

聽令則行禁則止動搖而不逆天之道故曰天乃大命

文王注大傳云云者論衡初稟篇云所謂大命者非天

若天使之矣是今殪戎殷誕受天命越厥邦厥民惟時

文義同大傳也殪戎殷誕受天命越厥邦厥民惟時

敘注殪者說文云死也古文作廩戎者釋詁云大也春秋左氏宣六年傳中行桓子引周書曰殪戎殷杜

注云殪盡也康誥言武王以兵伐殷盡滅之中庸云壹戎衣鄭云戎兵也衣讀如殷聲之誤也壹戎殷者一用伐殷也誕者釋詁云大也時者詩傳云善也敘者釋詁云豫敘也敘亦為豫言武王承文王之志殺伐大殷大



受天命于其國其民惟善而悅豫也乃寡兄勛詩文王刑于寡妻箋云寡妻寡有之妻言賢也

書曰乃寡兄勛言禮殷受命承文王之志者是乃寡有之兄武王勉爲之肆汝小子封在茲

東土王曰嗚呼封女念哉今民將在祗適乃文考紹聞

衣德言注馬融曰適述也疏釋詁云肆故今也祗敬也

衣同依學記不學博依依或爲衣言今之人將在敬述文王繼其舊聞依其德言馬注見釋文適述釋詁文

往數求于殷先哲王用保乂民汝不遠惟商考成人宅

心知訓注史遷說必求殷之賢人君子長者問其先殷

所以興所以亾而務愛民疏數者鄭箋詩賚篇云徧也

數求于先王箋訓數求爲廣索是其義也釋詁云保安也又治也惟思也考壽也不遠猶言不遠宅與度通訓

書疏十五

者釋詁云道也言徧求殷先哲王用安治民之道並求

商之遺老賢人亦不遠汝心度量可以知道矣謂東土

本商邑故告以求商先王善政賢人也史公說見衛世家云問其先所以興亡即

上所云紹聞依德言也別求聞由古先哲王注鄭康成

曰古先哲王虞夏也用康保民疏別古與辨通周禮小

辨又通徧鄉飲酒禮注今文辨皆作徧則別求猶上文數求也由者詩箋云於也言既徧求殷先王保民之道

又徧求古先哲王致民安樂之道疏宏于天若德裕乃身

康樂保安俱釋詁文鄭注見書疏

不廢在王命注宏一作宏覆于一作乎疏宏者釋詁云大也若者釋

詁云順也裕者廣雅釋詁云寬也荀子富國篇云康諱曰宏覆乎天若德裕乃身楊倞注云宏覆如天又順于德乃所以寬裕汝身言百姓足君孰不足也宋本荀子裕乃身下有不廢在王庭五字元刻近刻皆脫之案此



則言康樂安保民之君宏天如天而順于德安民即所以裕身若是則不廢王命矣宏下有覆于作乎見荀子經脫覆字王曰嗚呼小子封恫瘝乃身注鄭康成曰刑罰及

已為痛病疏後漢書和帝紀詔曰朕寤寐恫矜注引尚書曰恫矜乃身恫者釋言云痛也鰥者釋

詁云病也言民之痛病如在汝身戒其慎刑罰經文瘝當為矜或為鰥瘝俗字鄭注見書疏敬哉天

畏棐忱民情大可見小人難保往盡乃心無康好逸豫

乃其又民注畏一作威疏畏與威通棐者說文云輔也

天明威自我民明威釋詁云保康安也豫樂也又治也廣雅釋詁云佚樂也言敬之哉天威之明惟誠是輔驗

之民情大可見矣小民不易安也汝往盡心毋苟安而好佚樂乃治民之道漢書武五子傳云毋桐好逸注張

晏曰桐音同師古曰桐音通輕貌之貌也史記作恫褚先生釋以馳騁弋獵淫康疑用今文書義則康或作桐

書疏十五

聲之轉也畏郭注釋詁引作威忱文選幽通賦云實棐謹而相訓李善注引尚書曰天威棐忱謹與忱古字通

也我聞曰怨不在大亦不在小惠不惠懋不懋疏晉語知伯

國曰周書有之曰怨不在大亦不在小夫君子能動小物故無大怨注云或大而不為怨禍難或起小怨春秋

左氏昭八年傳子旗曰周書曰惠不惠茂不茂康叔所以服宏大也惠者釋言云順也懋者說文作忝云勉也

釋詁云茂勉也此申小人難保之義言民之怨不在大亦不在小恆起不意當順擾其不順者懋勉其不勉者

已汝惟小子乃服惟宏王應保殷民亦惟助王宅天命

作新民疏服同反說文云治也宏者釋詁云大也乃服惟宏即左傳子旗所云服宏大也言其所治

宏犬段氏玉裁据以絕句應者韋昭注周語云受也王氏引之云應保猶云受保士冠禮字解曰永受保之應

與容承俱聲相近易臨象傳曰容保民無疆容亦受也洛誥曰承保乃文祖受命民承亦受也宅通作度大學



曰康誥曰作新民言惟王受殷民而安之王方受保殷民汝亦當思助王圖度天命與殷民更始也衛民被紂化日久故戒以作新之王曰嗚呼封敬明乃罰注嗚呼一作於戲

明一作民疏春秋左氏定四年傳云武王之母弟八人

叔無官豈尚年哉衛世家云成王長用事舉康叔為司寇今此告以司寇之事在攝政之時者蓋周公知康叔仁厚可為司寇故先教以慎刑後乃命以官也嗚呼潛夫論述赦篇引作於戲今文俱如是敬明乃罰緇衣引

經明人有小罪非責注非一作匪責一作省乃惟終自作不典式爾注式一作戒有厥罪小乃不可不殺乃有

大罪非終乃惟責災注責災一作省哉適爾既道極厥辜時乃不可殺疏潛夫論述赦篇云尚書康誥王曰於戲敬明乃罰人有小罪匪省乃惟終

自作不典戒爾有厥罪小乃不可不殺言恐人有罪雖小然非以過差為之也乃欲終身行之故雖小不可不殺也何則是本頑凶思惡而為之者也大罪匪終乃惟

責哉適爾既道極厥罪時亦不可殺言殺人雖有大罪非欲以此終身為惡乃過誤耳是不殺也若此者雖曰赦之可也金作贖刑赦過者罪皆謂良人吉士時有過

誤不幸陷離者爾是說此經之義也皆作省者洪範王省惟歲史記亦作省典者釋詁云典法常也式者釋言云用也言其自用有意為之也潛夫論省哉當為省哉

適者詩傳云過也既道極厥辜言既以正道盡其罪又當原情不可殺之也嗚呼作於戲非作匪

式作戒辜作罪皆潛夫論異字蓋今文也王曰嗚呼封

有敘時乃大明服惟民其勅懋和若有疾注勅一作力

若一作而疏釋詁云順敘也時是也有敘時蒙上文言

服也時字讀當上屬荀子富國篇云誠乎上則下應如

響雖欲無明達得乎哉書曰乃大明服惟民其力懋和

書疏十五

九



而有疾此之謂也楊倞注云懋勉也言君大明以服下則民勉力爲和調而疾速以明效上之急也經作勅者釋詁云勤也又云速疾也若如而惟民其畢棄咎若保俱聲相近經作若亦順也見釋言

**赤子**注若一作如惟民其康疏者說文云捐也咎者

廣雅釋詁云惡也康又者釋詁云康安也又治也大學篇引康誥曰如保赤子若如聲之轉王氏鳴盛云孟子引若保赤子釋之云赤子匍匐將入井非赤子之罪也注云以赤子無知故救之此言用刑則謂保民如保赤子毋令無知陷

于罪如入井也**非汝封刑人殺人無或刑人殺人非汝**

**封又曰劓刑人無或劓刑人**注鄭康成曰明臣從君坐

**之刑**疏刑人之刑說文作刑云到也字與刑不同劓說

言刑殺皆由天討非汝所得專母或擅刑殺人又告之以雖輕刑如劓刑母或專之鄭注見書疏云臣從君坐

書疏十五

之刑者春秋左氏傳二十八年傳衛侯與元咺訟鍼莊子爲坐衛侯不勝刑鍼莊子是臣從君坐之刑但彼用別鄭以解刑未詳也古者刑不上大夫春秋時淫刑似未可爲經証鄭氏律學據漢法故以沒官從坐解經非

三代仁厚之政學江氏聲云聽獄之事也聽獄在外朝故云外事周

禮朝士掌建邦外朝之法左九棘孤卿大夫位焉羣士

在其後右九棘公侯伯子男位焉羣吏在其後面三槐

三公位焉州長眾庶在其後左嘉石平罷民焉右肺石

達窮民焉鄭注地官廩人云外朝司寇聽獄蔽訟之朝也臬者廣雅釋詁云法也師者釋詁云眾也倫同倫說

文云理也殷罰者荀子正名篇云後王之成名刑名從商爵名從周注云後之王者有數定成就之名謂舊名

可法效者商之刑法未聞康誥曰殷罰有倫是言殷刑之允當也則此言外朝聽獄之事汝陳列是法以司察其眾此商家刑罰有倫理可從也**又曰要囚服念五六日至于旬時不**



**蔽要囚疏**又曰書疏引顧氏云周公重言之也要者要

要之為其罪法之要辭服同伏易繫詞釋文引孟京云

伏服也旬十日時一時謂三月也丕者釋詁云大也蔽

者鄭注周禮云斷也春秋左氏昭十年傳云叔魚蔽罪

邢侯至于旬時者周禮小司寇云以五刑聽萬民之獄

訟附于刑用情訊之至于旬乃蔽之鄉士云辨其獄訟

異其死刑之罪而要之旬而職聽于朝遂士二旬而職

聽于朝縣士三旬而職聽其成于朝皆司寇聽之方士三月

而上獄訟于國司寇聽其成于朝言斷獄者據囚要辭

以論罪恐不詳慎而誤入人于刑當伏而思念五六日

或十日至三月乃大斷之為求其生當以出之且恐囚

虛承其罪容其自反覆也死者不可復生斷者

不可復續三木之下何求不得故君子盡心焉

**王曰汝**

**陳時臬事罰蔽殷彝用其義刑義殺勿庸以次汝封乃**

**汝盡遜曰時敘惟曰未有遜事**

**注次一作即遜事一作**

**書疏十五**

**士**

**順事**荀子宥坐篇云孔子曰書曰義刑義殺勿庸以

予作汝揚氏注云言周公命康叔使以義刑義殺勿用

以就汝之心不使其喜怒也惟刑殺義猶自謂未有

使人可順守之事故有抵犯者自責其教之不至也案

釋詁云時是也彛法常也義者中庸云宜也詩傳云庸

用也即就也詩箋云遜順也時善也釋詁云敘緒也惟

思也言汝既陳是臬事罰斷用殷法矣當用其刑殺之

合義者勿用以就汝之意乃汝盡其順道言當以善敘

之又自思曰未有順事以先敘民也下車泣罪得情勿

喜古人責躬不以罪當其罰而惡于民也經文次荀子

為即者即次聲之緩急義皆得為就也次汝封猶言恣

汝封謂順如其心鄭注堯典柔遠能邇云能恣也高誘

注呂氏春秋云恣從也鄭箋詩柔遠能邇云能猶仰也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也

**疏**若者釋言云順也



子用茲義刑義殺勿以順汝之心我心我德亦惟汝知之凡民自得罪寇攘姦宄殺

越人于貨敵不畏死罔弗慙注敵一作罔弗慙一作不

讞疏荀子君子篇云刑罰暴省而威行如流治世曉然皆知夫為姦則雖隱竄逃亡之由不足以免也故

莫不服罪而請書曰凡人自得罪此之謂也注云人之

自得其罪不敢隱也孟子萬章篇云康誥曰殺越人於

貨閔不畏死凡民罔不讞是不待教而誅者也趙注云

越于者於也殺於人取於貨閔然不知畏死者讞殺也

凡民無不得殺之者也若此之惡不待君之教命遭人

得討之案散者說文云冒也周書曰散不畏死慙者說

文云怨也周書曰凡民罔不慙言民有自罹于罪者寇

賊攘奪內為姦外為宄殺于人取于貨強冒不畏死無

不怨之者當順民怨以行罰則罪人亦自服其罪也孟

子散作罔者聲相近慙作讞讞非古字云殺未詳也趙

氏注云遭人得討之若今律登時殺死勿論矣王曰封元惡大慙矧惟不孝不

友子弗祗服厥父事大傷厥考心于父不能字厥子乃

疾厥子于弟弗念天顯乃弗克恭厥兄兄亦不念鞠子

哀大不友于弟惟弔茲不于我政人得罪天惟與我民

彝大泯亂曰乃其速由疏元者釋詁云首也謂惡人之

說文作朕云詞也泯者釋詁云敬也服同及說文云治

也字者愛也疾與談同義廣雅釋詁云憎談也顯者釋

詁云代也天顯謂兄于天倫有代父之道釋詁云恭敬

也鞠生也弔者鄭注費誓云善也泯說文作溷周禮小

宗伯注云杜子春讀為泯釋詁云盡也詩傳云滅也速

者釋言云徵也徵義同召由同說廣雅釋詁云舉也言

此首惡為民大怨者其惟不孝不友之人父子兄弟不



又昭二十年傳後漢書肅宗本紀元和元年詔潛夫論  
論榮篇俱引經文同曰季卽用此義罪不相及卽不于  
我政人得罪也或以爲書之佚句失之天惟與我民彝  
大泯亂曰乃其速由者言此父子兄弟不睦之人滅亂  
天常乃其自名罪誅不可宥及親屬酒誥曰惟民自速  
辜多方云乃惟爾自速辜語意正同或以乃其速由下  
屬文王作罰爲句案之  
後漢書王符傳不然也  
文王作罰刑茲無赦  
王符傳  
云夫養稂莠者傷禾稼惠姦軌者賊良民書曰文王作  
罰刑茲無赦風俗通皇霸篇潛夫論述赦篇引同後漢  
書則知乃其速  
不卒大夏矧惟外庶子訓人  
注鄭康成  
由不相屬也

曰訓人師長惟厥正人越小臣諸節乃別播敷造  
注歐

陽說造爲造獄民大譽弗念弗庸厥厥君時乃引惡惟

朕愍  
注率者釋詁云循也夏者釋詁云常也疾者說文  
云詞也外庶子燕義云古者周天子之官有庶

書疏十五

子官職諸侯卿大夫士之庶子之卒掌其戒令與其教  
治鄭氏注周禮敎官云諸子主公卿大夫士之子者或  
曰庶子是也訓人者若天官太宰師以賢得民儒以道  
得民注云師諸侯師氏儒諸侯保氏是也正人者釋詁  
云正長也卽上文政人小臣諸節謂小臣之受符節者  
播者說文云布也敷者說文云故也瘼當爲繹釋詁云  
病也言不循用常法其惟在外之庶子及師長不能行  
其教令致使長民之官與小臣之受節治民者乃別布  
施造獄之條于民有大譽之人弗肯念而用之於病其  
君之人是引爲同惡惟我其怨之鄭注見書疏歐陽說  
見漢書王尊傳尊曰律無妻母之法聖人所不忍書此  
經所謂造獄者也注晉灼曰歐陽尚書有此造獄事也  
造獄者不循常法遇非常之事不得已而用之今或別  
爲傳播以陷有名之人同惡相引是可誅也歐陽造獄  
別無可附疑今文  
已汝乃其速由茲義率殺  
注已同容  
說此條之義也  
此諸臣爲汝名詵當  
亦惟君惟長不能厥家人越厥小  
循其義刑誅罰之



臣外正惟威惟虐大放王命乃非德用又

**疏**能者漢書注師古曰

善也言又惟國君及長民者有不以善化導其家人者于其小臣外正惟為威虐于民放棄王命乃非德教可治汝亦罔不克敬典乃由裕民惟文王之敬忌乃裕民

**注**鄭康成曰敬忌祇祇威威是也曰我惟有及則子一

人以懼**注**一無子字釋作擇

**疏**釋詁云典法常也由裕者由同猷廣雅釋詁云

猷順也裕容也惟者釋言云思也敬忌者謂上明德敬也慎罰忌也釋詁云則法也擇樂也詩傳云擇悅也荀子君道篇曰明主急得其人得其人則身佚而國治功大而名美故君人者勞于索之而休于使之書曰惟文王之敬忌一人以擇此之謂也案荀子以為用賢之義則所謂敬忌者謂祇祇威威用賢謂庸庸也擇非古字段氏玉裁云擇即擇也上文所謂身佚而國治也敬忌上文所謂急得其人也此秦以前古文書說說苑君道

書疏十五

古

篇孔子曰大哉文王之道敬慎恭已而虞芮自平故書曰文王之敬忌此之謂也又說為虞芮自平則正謂平獄之事但以敬慎恭已化導之此與荀子異者今文說也言當思文王之敬忌以容民曰我思及之而法則之也經云云者言汝亦無不能敬法乃以道導民思文王之敬德忌刑乃道民曰我思逮及法則文王天子當悅之敬德矣詩板釋文云釋本作擇又靜女釋文云說擇當作說釋則擇非古字與擇音相近亦可通故荀子為擇也鄭**注**王曰封爽惟民迪吉康**注**鄭康成曰迪下讀我見書疏

時其惟殷先哲王德用康又民作求矧今民罔迪不適

不迪則罔政在厥邦

**疏**爽者大詰爽邦由哲漢書翟義傳以爽為勉爽為明明亦勉也

見前疏惟者思也迪者釋詁云道也吉者詩傳云善也康者釋詁云安也時者釋詁云是也哲者釋言云智也父者釋詁云治也作者釋言云為也求者詩箋云終也矧者釋詁云況也適者廣雅釋言云善也在者釋詁云



存也言汝勉思道民于善以安之我是以思殷先哲王之德以安治民爲終成殷先王之道況今民無道之者則不能向善不有以道民則無政以存其國矣鄭注見書疏

王曰封子惟不可不監

告汝德之說于罰之行今惟民不靜未戾厥心迪屢未

同爽惟天其罰殛我我其不怨惟厥罪無在大亦無在

多矧曰其尚顯聞于天

疏釋詰曰監視也戾止也屢者也爽者說文云明明亦勉也見上疏惟者釋詰云思也

思者釋言云誅也尚者鄭氏書贊云上也又告之曰我思不可不視法文王故告汝以明德之說慎罰之行今

惟般民不安靜未定止其心道之以道屢未和同勉思天其罰誅我我其不敢怨天怨民祇自思惟其罪罪無在大亦無在多不可不責躬也況曰其上能明達于天乎

王曰嗚呼封敬哉無作怨勿用非謀非彛蔽時忱不

則敏德用康乃心顧乃德遠乃猷裕乃以民寧不汝瑕

疏蔽者文選辨命論引鄭注論語云塞也忱者說文云誠也敏德周禮師氏職以三德教國子二曰敏

德以爲行本注云敏德仁順時者也猷裕者方言云道也瑕者詩傳云遠也殄者釋詰云絕也言汝其敬之哉

無作怨於民勿用非道之謀非典之法以蔽是誠心則法敏德以安汝心顧省汝謀遠慮乃道乃以安民則國

祚不以汝世遠而殄絕也言當世享僞傳以猷字絕句裕字下屬則不詞矣上文云乃猷裕民君爽云告君乃

猷王曰嗚呼肆汝小子封惟命不于常

疏大學篇引康誥曰惟命不于常說之云道善則得之不善則失之矣春秋左氏成

十六年傳范文子引周書說之曰有德之謂襄二十三年傳君子謂慶氏不義

不可肆也引書皆同汝念哉無我殄享明乃服命高乃聽用康父民

疏享者說文云獻也凡封諸侯必命之祭其封內之山川社稷所謂命祀春

書疏十五



秋左氏僖二十一年傳衛遷于帝邱成公夢康叔曰相  
奪子享公命祀相甯武子曰不可以間成王周公之命  
祀服命謂服七章之服命七命也周禮典命王侯伯七  
命其國家宮室車旗衣服禮儀皆以七爲節又大行人  
職云諸侯之禮冕服七章高乃聽者廣雅釋詁云高敬也言敬聽我訓則安治民之道也王若曰往  
哉封勿替敬典聽朕誥汝乃以殷民世享疏釋詁云替廢也典常

言往就國勿替其敬常聽我誥則汝用是殷民世享其

國矣典字下屬爲句酒誥典聽朕教又云汝典聽朕茲

正與此同誥今作告從唐石經作誥

光緒歲在閏逢涪灘國子監肄業生吳縣朱記榮校刊

書疏十五

夫

光緒甲申小春  
月白堤八字橋  
孫谿槐廬家塾

康誥卷第十五終



酒誥第十六 周書七 尚書今古文注疏卷十六

賜進士及第授通奉大夫山東督糧道加三級孫星衍撰

**注**史遷說周公且懼康叔齒少告以紂之所以亡者以

淫於酒酒之失婦人是用故紂之亂自此始故謂之酒

誥以命之疏史公說見衛世家云告以紂之所以亡者

都所處也其民尤化紂嗜酒是也周公作此篇在東征

之後周本紀云初管蔡畔周周公討之三年而畢定故

初作大誥次作微子之命次歸禾次嘉禾

次康誥次酒誥梓材其事在周公之篇

**王若曰**注王一作成王三家云王年長骨節成立馬融

曰言成王者未聞也俗儒以為成王骨節始成故曰成

王或曰以成王為少成二聖之功生號曰成王沒因為

謚衛賈以為戒成康叔以慎酒成就人之道也故曰成

此三者吾無取焉吾以為後錄書者加之未敢專從故

曰未聞也鄭康成曰成王言成道之王疏三家者歐陽

引見書疏据釋文引馬注則衛賈亦有成字呂氏春秋

下賢篇云文王造之而未遂武王遂之而未成周公旦

抱少主而成之故曰成王是秦已前書說亦同或說少

成二聖之功也馬注見釋文云慎酒成就人之道者說

文云酒就也所以就人性之善惡也云後錄書者加之

者江氏聲云馬言是也蓋此篇之誥成王親之史氏從

後加成字以別異於康誥之周公代誥也段氏玉裁云

魯世家曰管叔及羣弟流言於國曰周公將不利於成

王周公乃告太公召公曰武王蚤終成王少誠伯禽曰

我文王之子武王之弟成王之叔又曰必葬我成周以

書疏十六



明吾不敢離成王詳玩此等皆實生稱成王如湯生稱武王之比三家之說固可信也偽孔刪去成字大非馬氏云後錄書者加之亦非也顧命云成王崩馬注曰安民立政曰成蓋謂死盜非生稱不知初崩未有謚春秋之例曰公薨至葬而後曰葬我君某公

明大命于妹邦

**注**

馬融曰妹邦即

牧養之地鄭康成曰妹邦紂之都所處也于詩國屬鄘

故其風言有沫之鄉則沫之北沫之東朝歌也其民尤

化紂嗜酒今祿父見誅康叔爲其連屬之監

**疏**

馬注見釋文云

妹邦即牧養之地者段氏玉裁云謂妹邦即牧野也以妹同銖鄭注見詩桑中疏及衛風譜疏云妹邦紂之都所處者水經注淇水又南合泉源水水有二源一水出朝歌城西北東南流其水南流東屈逕朝歌城南晉書地道記曰本沫邑也殷王武丁始居之爲殷都也紂都在禹貢冀州大陸之野即此矣有糟丘酒池之事焉有

書疏第十六

二

新聲靡樂號邑朝歌是也云于詩國屬鄘者春秋左氏定四年傳子魚曰康叔取於有閭之土以其王職閭與鄘聲近書母若火始庸庸一作餒餒是以有閭即鄘國也說文鄘故商邑在河內朝歌以北則沫北爲鄘也對北則妹鄉爲鄘在南妹東爲衛矣故鄭言妹之北妹之東朝歌也云化紂嗜酒者紂都有糟丘酒池民染其習以爲俗云康叔爲連屬之監者王制云五國以爲屬屬有長十國以爲連連有帥是連屬皆諸侯之長兼統數國者也鄭詩譜云自紂城而北謂之邯南謂之鄘東謂之衛又言更于此二國建諸侯以殷餘民封康叔于衛使爲之長後世子孫稍并彼二國是鄭以康叔未有邯鄘妹既屬鄘非康叔之邑而明大命于其處故說其得統之由以爲其連

乃穆考文王肇國在西土

**疏**

穆考者周語太子晉

曰后稷始基靖民十五王而文始平之注云十五王謂后稷不窋鞠公劉慶節皇僕差弗毀踰公非高圉亞圉公叔祖類太王季文王案自始祖后稷計之文王次當穆詩載見云率見昭考傳云昭考武王也武王爲昭



是文王為穆考也肇者釋詁云始也國在西土謂豐邑詩文王有聲云作邑于豐今陝西咸寧縣地厥詁

必敕也王氏念孫云此茲當釋為敕詁庶邦者文王為雍州伯南兼梁荆故得總告眾國也庶土者土之言事

總謂朝臣少正者正人之副鄭有少正公孫僑魯有少正卯周書有大正正刑書御事凡朝臣皆御治事者論

衡語增篇云酒誥之篇朝夕曰祀茲酒此言文王戒慎酒也朝夕戒慎則民化之祀茲酒謂文王不飲而敬祭

此酒曲禮云祭食祭所先進注祭祭先也君子有事不忘本也公食大夫禮云祭飲酒于上豆之間是古有祭

飲酒之禮文王但祭之不崇飲也或為誥勅惟天降命眾邦羣臣朝夕戒之言惟祭祀可用此酒耳

肇我民惟元祀疏惟者釋詁云思也命者廣雅釋詁云名也釋詁云肇元始也言思天降下

酒名之始我民當思祀其始作酒者書疏引世本云儀狄造酒夏禹之臣又云杜康造酒或此云惟天下教命

始命我民知作酒者疏惟為大祀元大也天降威我民用大亂喪德亦罔非

酒惟行越小大邦用喪亦罔非酒惟辜疏辜者釋詁云

威罰者我民以大亂喪其德惟無非以酒亂行也文王于小大之國所以喪亡者亦無非以酒為辜也

誥教小子有正有事無彝酒注正一作政疏彝者釋詁

子謂康叔韓非子說林紹續昧對宋君曰康誥曰無彝酒彝酒常酒也常酒者天子失天下匹夫失其身鄭注

周禮萍氏引此文正作政疏云有政之越庶國飲惟祀大臣有事之小臣彝常也不得常飲

德將無醉注大傳說天子有事諸侯皆侍尊卑之義宗

室有事族人皆侍終日大宗已侍於賓莫然後燕私燕

私者何也已而與族人飲也又說故曰飲而醉者宗室

是文王為穆考也肇者釋詁云始也國在西土謂豐邑詩文王有聲云作邑于豐今陝西咸寧縣地厥詁

必敕也王氏念孫云此茲當釋為敕詁庶邦者文王為雍州伯南兼梁荆故得總告眾國也庶土者土之言事

總謂朝臣少正者正人之副鄭有少正公孫僑魯有少正卯周書有大正正刑書御事凡朝臣皆御治事者論

衡語增篇云酒誥之篇朝夕曰祀茲酒此言文王戒慎酒也朝夕戒慎則民化之祀茲酒謂文王不飲而敬祭



之意也德將無醉族人之志也是故祀禮有讓德施有

復義之至也

**疏**將者廣雅釋言云扶也大傳宗室已下見儀禮特牲注引尚書傳詩湛露疏引

書傳畧同有脫字鄭注云事謂祭祀大宗謂卿大夫以下宗室大宗之家也言眾邦惟祀事侍于天子或飲于大宗得飲又當以德相扶持不至于醉

惟曰我民迪小子惟土物愛厥心

**臧聰聽祖考之藝訓****疏**迪者方言云正也土物者土所

穡禮器云故天不生地不養君子不以爲禮注地不養謂非此地所生臧者釋詁云善也言非祀無敢遊飲惟欲正我民汝封當愛惜土地所生之物以善其心聰聽祖考之常訓謂酒以糜穀當愛惜也

越小小大

**德小子惟一****疏**言大德不踰閑小德亦無出入思其純一

妹士嗣爾股肱純

其藝黍稷奔走事厥考厥長

**疏**嗣者韋昭注魯語云世也純者賈逵注晉語云

書疏十六

專也藝當爲執見說文黍者說文云禾屬而黏者也以大暑而種故謂之黍稷者說文云齋也五穀之長齋或作案秫稷之黏者或作术案漢人謂稷爲粟米今俗謂之小米越絕書云甲貨之戶曰案爲上物乙貨之戶曰黍爲中物古者貴黍稷喪大記疏云案公食大夫禮黍稷爲正饌稻粱爲加是稻粱卑於黍稷故舉五穀以黍稷言之也言妹土之人世爲爾股肱

當專務種其黍稷奔走事其父兄也

肇牽車牛遠服買用孝養厥父母厥父母慶自洗腆致用酒

**注**馬融曰洗

盡也

**疏**肇者釋言云敏也注引此廣雅釋詁云肇亟也服者釋詁云事也慶者詩傳云善也洗者韋注周語云濯也洗音近酒說文洗滌也腆者說文云設膳腆腆多也古文作𦉑白虎通商賈篇云商之言商其遠近度其有亡通四方之物故謂之商也賈之言固固有其物以待民來以求利也書曰肇牽車牛遠服賈用遠行可知也方言欲厥父母欲留供養之也王氏鳴盛云據商賈之義本不同今以牽車遠行之商謂之賈者欲



見留養父母之義也經言亟牽車牛遠為商賈之事以孝養父母及父母善慶自滌器設膳致用此酒馬注見釋文云洗盡者盡蓋盪字

之誤說文云盪滌器也 庶士有正越庶伯君子其爾

典聽朕教疏庶士見上有正庶伯正伯皆長也君子者釋詁云君大也子者馬氏注論語云男子通稱也典者釋詁云常也欲令衆士正長大德之人常聽朕教 爾大克羞考惟君爾乃

飲食醉飽注大傳說古者聖帝之治天下也五十已下

非烝社不敢遊飲六十已上遊飲也疏釋詁云克能也言云老也飲食鄭注周禮云燕饗也周禮酒正凡饗者

老孤子皆共其酒無酌數注云要以醉為度古者天子諸侯皆有養老之禮言爾大以賢能進為耆老惟君使

爾飲食醉飽大傳說見大戴禮立事篇注云六十已上遊飲者王制云六十養於國又云六十

不與服戎六十不親學故可遊飲也 不惟曰爾克永

書疏十六 五

觀省作稽中德疏不辭也稽者鄭眾注周禮小宰云合也鄭注樂記云三老五更互言之耳

皆老人更知三德五事者也言爾能久觀看省察于事理將於爾所為稽合於中道內則云凡養老五帝憲三

王有乞言注云憲法也養之為法其德行 爾尚克羞饋祀注鄭康成曰饋祀

助祭于君爾乃自介用逸茲乃允惟王正事之臣茲亦

惟天若元德永不忘在王家疏尚者釋言云庶幾尚也饋者文選祭顏光祿文

注引蒼頡云祭名也高誘注國策云吳謂食為饋祭鬼亦為饋古文通用讀與餽同鄭注籒人云饋食薦孰也

介者釋詁云右也逸者薛綜注東京賦云樂也若者釋言云順也元者韋昭注晉語云善之長也言爾庶幾以

賢能進與於饋食祭祀之列爾乃自右助用為燕樂之賓此乃信惟王有政有事之臣此亦惟天順善德長不

遺忘爾在 王曰封我西土棗徂邦君御事小子尚克用王家矣



文王教不腆于酒故我至于今克受殷之命

**疏** 釋詰云 裴備也

徂存也腆者廣雅釋詰云美也言汝封當念我西土輔臣惟在邦君治事爾小子庶幾能用文王之教不美于

酒故我至今 王曰封我聞惟曰在昔殷先哲王迪畏天

能受殷大命 顯小民經德秉哲自成湯咸至于帝乙成王畏相

說書之帝乙六世王先儒皆以為紂父

**疏** 在者釋詰云 察也哲者說

文云知也迪同攸見上疏顯者廣雅釋詰云明也經德

者孟子盡心云經德不回注云經行也秉者釋詰云執

也哲者說文作哲云敬也成者釋詰云皆也王告康叔

以察昔殷先賢知王所畏天明命下及小民惟行其德

執其敬自成湯至於帝乙成成就王道敬畏輔相也周

語叔向曰詩曰成王不敢康注云謂修己自勤以成其

王功亦以成王為成王功易說見乾鑿度鄭注檀弓云

易說帝乙曰易之帝乙為成湯書之帝乙六世王考殷

書疏十六

六

本紀湯子太丁太丁子太甲太甲子沃丁沃丁弟子小  
甲小甲弟子仲丁仲丁弟子帝祖乙帝祖乙立殷復興  
不數兄弟相及則祖乙為湯已後六世孫也先儒注見  
檀弓疏云先儒皆以酒誥帝乙紂父者此先儒即是賈  
馬鄭與易說異殷本紀湯至帝乙十六世帝乙無道為  
偶人謂之天神與之搏令人為行天神不勝乃辱辱之  
為革囊盛血仰而射之命曰射天武乙獵於河渭之閒  
暴雷武乙震死則帝乙非令主故易說以為祖乙也

惟御事厥棐有恭不敢自暇自逸矧曰其敢崇飲

**疏** 暇

釋詰云倥暇也逸者詩箋云豫也矧者釋詰云況也說  
文正作秩崇者薛綜注東京賦云興也言殷先王時於

治事之臣其輔臣皆有恭敬不越在外服侯甸男衛邦

敢寬暇逸豫况復興飲酒之事 伯

**疏**

周語云先王之制邦內甸服邦外侯服侯衛賓服

為五服邦外邦畿之外也方五百里之地謂之侯服侯  
服侯圻也衛衛圻也言自侯圻至衛圻其閒凡五圻圻



五百里五五二千五百里中國之界也五圻者侯圻之外曰甸圻甸圻之外曰男圻男圻之外曰采圻采圻之外曰衛圻據此是衛上有采康誥曰侯甸男采衛經文蓋省采字邦伯者王制云千里之外設方伯五國以爲屬百一十國以爲州州有伯八州八伯注云伯帥殷之州長曰伯虞夏及周皆曰牧又云八伯各以其屬屬於天子之老三人分天下以爲左右二伯此那伯未必是二伯蓋卽方伯也白虎通爵篇云尙書曰侯甸任衛作國伯今文尙書男作

任邦作國又多作字越在內服百僚庶尹惟亞惟服宗工越百姓里居疏釋詁云僚官也師衆也釋言云尹正也亞次也服事也惟亞謂正官之倅

惟服謂任事者其士與宗工謂宗人百姓里居謂百官致仕家居者罔敢溷于酒注鄭康

成曰飲酒齊色曰酒不惟不敢亦不暇惟助成王德顯

越尹人祗辟疏酒者說文沈於酒也引此文沈與醜聲相近說文醜樂酒也釋詁云祗敬也辟

書疏十六

法也言內外諸侯臣工皆無敢堪樂于酒不惟不敢亦有正事無暇及飲惟助君成就王德使之顯著至於正人敬法無敢慢者鄭注見詩蕩疏云飲酒齊色者詩蕩云天不酒爾以酒箋云天不同汝顏色以酒齊同義相近我聞亦惟曰在今後嗣王酣身疏後嗣王謂紂也酣者說文云酒樂也

太平御覽四百九厥命罔顯于民祗保越怨不易疏保

釋詁云安也不改也言紂之命令無可顯著爲民所敬如先王之德顯使尹人祗辟徒安於怨不改其所爲祗字屬上句讀僞傳云所敬所安不詞也論衡遣告篇云紂爲長夜之飲文王朝夕曰祀茲酒非疾之者宜有以改易之是說誕惟厥縱淫泆于非彝用燕喪威儀此經不易之意也

民罔不盡傷心疏淫者王逸注楚詞云游也泆者同佚廣雅釋詁云樂也燕者詩傳云安也

威者釋言云則也盡者說文云傷痛也引此文殷本紀云紂大最樂戲於沙丘以酒爲池縣肉爲林使男女裸



相逐其間為長夜之飲故言大惟其縱遊佚  
於非法用安樂喪其威儀民無不痛傷心者  
惟荒腴于

酒不惟自息乃逸厥心疾很不克畏死辜在商邑越殷

國滅無罹疏荒者詩傳云大也腴者廣雅釋詁云美也  
息者詩傳云止也逸者釋言云過也疾者

詩箋云疾害很者說文云很盪也罹即離俗字易九家  
注云離附也鄭注月令云離讀如儷偶之儷言紂惟大

美於酒不思自止其過其心疾害乖麗恃有命在天不  
能畏死罪在商邑於殷邦喪滅無附麗之者白虎通京

師篇云京大師衆也天子所居故大衆言之夏曰夏邑  
殷曰商邑周曰京師尚書曰在商邑謂殷也是說此經

之弗惟德馨香祀登聞于天誕惟民怨庶羣自酒腥聞

義在上故天降喪于殷罔愛于殷惟逸天非虐惟民自速

辜疏馨者說文云香之遠聞者庶者釋詁云衆也逸者  
釋言云過也速者詩傳云召也周語云國之將興

書疏十六

其德足以昭其馨香國之將亡其政腥臊馨香不登注  
云馨香芳馨之升聞者也腥臊臭惡也登上也芳馨不

上聞於天神不饗也傳曰黍稷非馨明德惟馨正同此  
義也言無德馨升聞於天大惟民怨及衆羣臣用酒臭

達於上故天下喪亡之禍於殷而勿愛王曰封子不惟  
之惟紂之過天非暴虐惟人自召罪耳

若茲多誥古人有言曰人無于水監當于民監今惟殷

墜厥命我其可不疏監者釋詁云視也墜  
俗字當為隊說文云

隊從高隊也撫者鄭注曲禮云猶據也時者釋詁云是  
也告康叔言我不徒如此多誥欲其有所法式引古人

言視水不如視民也史記殷本紀引湯征湯曰人視水  
見形視民知治否又告以今惟殷隕喪其大命我其可

不據此以大子惟曰汝劼毖殷獻臣疏劼者說文云慎  
也引此文讀若

為鑒戒乎疏賈是同必廣雅釋詁云必  
候甸男衛矧太史友丙史友  
救也獻者釋詁云聖也



**注**鄭康成曰太史內史掌記言記行越獻臣百宗工矧

惟爾事服休服采**注**鄭康成曰服休燕息之近臣服采

朝祭之近臣**疏**太史友內史友友俱讀為右覲禮太史

釋詁云右比也言左右史尤比近於王故曰友宗工謂

尊官詩傳云宗尊也工官也事者詩傳云土事也鄭注

太史內史云云見王制疏云太史內史掌記言記行者

玉藻云動則左史書之言則右史書之疏引熊安期疏

云太史記動作之事在君左廂記事則太史為左史也

內史所掌在君之右故為右史鄭注服休服采云云見

書疏云服休燕息之臣者說文休息止也服采為朝祭

之臣者魯語云天子大采朝日少采夕月注云虞說曰

大采衮職也少采黻衣也蓋掌朝祭之服矧惟若疇圻父**注**鄭康成曰順壽

萬民之圻父圻父謂主封畿之事疇一作曷**疏**鄭注見

詩所父

書疏十六

疏云若順者釋言文云圻父主封畿之事者詩傳云圻

父司馬也職掌封圻之兵甲疇聲近壽圻音近畿春秋

穀梁隱元年傳云天子畿內釋文云畿本作圻故鄭以

圻為封畿詩祈父箋引此文疇作曷釋文云曷此古疇

字或**薄違農父****注**馬融曰違行也**疏**馬注見釋文云違

作壽**薄**與回聲相近薄者方言云勉也秦晉或曰薄故其鄙

語曰薄努猶勉努也言勉去其邪行謂司徒之職**若**

**保宏父定辟矧汝剛制於酒****疏**疑即司空釋詁云宏大

也詩傳云空大也宏與空俱訓大故宏即空也辟者說

文云法也剛者廣雅釋詁云強也制者鄭注王制云斷

也言汝慎勅殷之賢聖臣在侯甸男衛之服者其惟太

史內史於賢聖臣百尊官其惟爾之士有事休息采服

之臣其惟順壽眾民之司馬勉行眾民之司徒順保眾

民之司空俱有定法汝其剛斷於酒矧詞也僞傳俱說

非為**沉厥或誥曰羣飲汝勿佚盡執拘以歸於周予其殺**



**注拘一作柯**

**疏** 伏與失聲相近說文失縱也殺同繫方言云散殺也後漢書樊儵傳注引左傳

曰周公殺管叔而繫蔡叔杜注云繫放也拘作柯者說文云柯搗也周書曰盡執柯繫傳作柯獻多一字言其告者云有羣飲者汝勿縱舍盡執而指搗之以歸於周子其放散之又惟殷之迪諸臣惟

工乃溷於酒勿庸殺之姑惟教之有斯明享**注**鄭康成

曰斯析也**疏** 迪者釋詁云進也詩傳云工官也庸用也

詩傳文享者易隨云亨于西山釋文引陸注云祭也言告者雖欲誅羣飲者又當思惟殷進用之臣工俱沈於酒民俗染之我勿用為罪且先教之又分析其羣飲之故或由享祀則勿罪原之乃不用我教

辭惟我一人弗恤弗蠲乃事時同于殺**注**恤者說文云

傳云潔也言汝不用我教令我不能收恤收也蠲者詩汝汝又弗潔乃政事是同於放殺之罪王曰封汝典

書疏十六

十

聽朕毖勿辯乃司民溷于酒**疏** 典者釋詁云常也毖同

者廣雅釋詁云使也誥康叔言當常聽我敕勿使汝司民之人沈於酒也楊子法言問神篇云昔之說書者序以百而酒誥之篇俄空焉今亡夫因學記聞引執文志云劉向以中古文校歐陽大小夏侯之家經文酒誥脫簡一謂俄空即脫簡之謂而大傳引酒誥王曰封惟日若圭璧今無此句疑所脫即此等句

光緒歲在閏逢涓灘國子監肄業生吳縣朱記榮校刊

酒誥第十六卷終



梓材第十七 周書八 尚書今古文注疏卷十七

賜進士及第授通奉大夫山東督糧道加三級孫星衍撰

**注** 史遷說周公且懼康叔齒少為梓材示康叔可法則

**疏** 梓者梓人史記正義曰若梓人為材君子觀為法則也梓匠人也大傳云伯禽與康叔見周公三見而三

答康叔有駭色謂伯禽曰有商子者賢人也與子見之乃見商子而問焉商子曰南山之陽有木焉名曰橋二

三子往觀之見橋實高然而上反以告商子商子曰橋者父道也南山之陰有木焉名曰杻二三子復往觀

焉見杻實晉晉然而循反以告商子商子曰杻者子道也二三子明日見周公入門而趨登堂而跪周公仰拂

其首勞而食之曰爾安見君子乎二子以實對周公曰君子哉商子也此事亦見說苑建本篇論衡譴告篇大

傳所云即史公說示康叔可法則者與經義絕不同或今古文異說附存之

書疏十七

王曰封以厥庶民暨厥臣達大家以厥臣達王惟邦君

**注** 鄭康成曰于邑言達大家于國言達王與邦君王謂

二王之後 **疏** 暨者釋詁云與也達者說文云通也家者

卿之采地又注周禮家司馬敘官云家卿大夫采地益大夫稱家卿稱都對文則然散文則可總言家大家如

孟子離婁言巨室也鄭注見書疏云于邑言達大家者大家皆有采邑故曰于邑謂國中之邑也云于國言達

王與邦君者王與邦君各君其國故云于國是通他國言也云王謂二王之後者以王與邦君並言則王非謂

天子故以為二王後江氏聲云惟邦君惟當為暨康叔所治當有卿大夫采地又其所職乃當州之牧故得統

領二王之後與列邦之君通達者言當通達上下之情 **汝若恒越曰我有師師司**

**徒司馬司空尹旅** **疏** 若者釋言云順也恒者釋詁云常也越同粵釋詁云於也師師者上



師釋詁云衆也下師鄭注周禮云猶長也尹正旅衆俱釋詁文言汝當順常於以告其衆長三卿大夫士江氏聲云尹謂大夫旅謂衆士也鄭注內則云諸侯并六卿爲三或兼職焉案兼職者王制疏引崔靈恩疏云三卿者依周制而言謂立司徒兼冢宰之事立司馬兼宗伯之事立司空兼司寇之事故春秋左傳云季孫爲司徒叔孫爲司馬孟孫爲司空所告謂下無虐殺人及先敬勞之言曰子囹厲殺人亦厥君

先敬勞肆徂厥敬勞

**疏**厲者周書諡法解云殺戮無辜曰厲肆今徂往皆釋詁文言當

告其臣以予無敢虐殺人亦當自其君先之以敬勞民今汝往其敬勞之肆往姦宄殺人歷

人宥肆亦見厥君事戕敗人宥**注**馬融云戕殘也戕敗

人宥一作彊人有

**疏**歷者廣雅釋詁云過也見猶效也效羊注云效猶呈見言汝今往有姦宄及殺人者其所過歷之人不當同罪汝今亦效其君敬勞之事殘壞人

不至死者不當坐以殺人之罪俱原情寬宥之若律容止逃亡罪止徒知情藏匿罪人減罪人罪一等漢法殺人者死傷人及盜抵罪也墨子尚同篇引泰誓云小人見姦巧乃聞不言也發罪鈞鈞均也蓋紂法見姦不言

書疏十七

事發同罪故周公以姦宄殺人歷人宥詒康叔革紂法也馬注見釋文周禮大司馬疏引作鄭注云戕殘者詩十月之交箋同戕敗人宥論衡効力篇引梓材曰王啓疆人有王開賢厥率化民蓋今文也義見下疏

監厥亂爲民

**注**一作王開賢厥率化民

**疏**啓者說文云教也亂者釋

詁云治也監者周禮太宰立其監注云監謂公侯伯子男各監一國引此文言王教諸侯使監視其治皆爲民也啓作開監作賢亂作率爲作化者論衡効力篇云梓材曰疆人有王開賢厥率化民說之云此言賢人亦壯疆於禮義故能開賢其率化民化民須禮義禮義須文章行有餘力則以學文能學文有力之驗也此今文說以戕爲疆宥爲宥者說文云能獸堅中故稱賢能而疆壯稱能傑也是知疆人爲疆壯人謂賢傑也中庸子路



問強又云發強剛毅足以有執是強為美德也開者韋昭注晉語云通率義同帥王開賢厥率化民者言彊能者有為王所通達之賢任其督帥化民之事漢舊儀丞相御史大夫初拜策曰往悉乃心和裕開賢用此經文和裕當為宏裕和與從弓從人之心形曰無胥戕無胥相近用康誥宏于天若德裕乃身也

**虐** **注** 鄭康成曰無胥戕無相殘賊無胥虐無相暴虐 **疏**

鄭注見周禮大司馬疏胥為相釋詁文戕為殘與詩十月之交箋同也 至于敬寡至于屬

**婦** **注** 大傳說老而無妻謂之鰥老而無夫謂之寡屬一

**作嫗** **疏** 敬寡即矜寡呂刑哀敬折獄大傳作哀矜漢書

屬與嫗聲之緩急假借字又說文有嫗音相近義俱通也

又有幼而無父謂之孤老而無子謂之獨行而無資謂

之乏居而無食謂之困此皆天下之至悲哀而無告者

書疏十七

故聖人在上君子在位能者任職必先施此使無失職

推經義言之也云老而無妻者鄭注孝經云六十無妻

曰鰥鰥亦作矜王制老而無妻謂之矜大戴禮云上古

男子五十而娶故六十曰鰥也屬說文作嫗云婦人妊

身也文選崔子玉清河王誄云惠於嫗嫗嫗即寡也此孔壁古文 合由以容 **疏** 合者鄭

云同也由者詩傳云用也容者廣雅釋詁云寬也言窮民無告有罪寬之 王其效邦君越御

事厥命曷以引養引恬自古王若茲監罔攸辟 **疏** 效者

釋言云考也以者詩傳云用也引者釋詁云長也恬者

說文云安也辟者說文云法也言王之課邦君子治事

之人其命何用哉惟長養民長安民自 惟曰若稽田既

勤敷菑惟其陳修為厥疆畎 **疏** 惟者釋詁云思也稽者

說文云才耕田也或作留釋地云田一歲曰菑注云今

江東呼初耕地反草田菑陳者詩信南山維禹甸之周



禮稍人注引作噉云甸治是陳亦治也疆者說文云界也噉說文作𠂔以此爲篆文云六畝爲一畝𠂔水小流也周禮匠人爲溝洫相廣五寸二相爲耦一耦之伐廣尺深尺謂之𠂔倍𠂔謂之遂倍遂曰溝倍溝曰洫倍洫曰𠂔又云方百里爲𠂔廣二尋深二仞𠂔讀若澮同蓋用考工記文言爲國如計田既勤力以布耕其土當思修治其疆

界畝澮

若作室家既勤垣墉惟其塗墍茨

注

馬融曰

卑曰垣高曰墉墍聖色

疏

塗俗字當爲塗墍者說文云仰塗也漢書楊雄傳云墍人

亡則匠石輟斤而不敢妄斲注服虔曰墍古之善塗墍者也施廣領大袖以仰塗而領袖不汚茨者說文云以茅葦蓋屋也言如作室家既勤力爲牆當思塗塞孔穴又蓋之以茅葦也喻政事修舉乃有成馬注見釋文云卑曰垣者吳語云君有短垣而自踰之短即卑也詩良相云其崇如墉崇即高也說文云垣牆也釋宮云牆謂之墉是皆牆也墍爲聖色者說文云聖自塗也釋宮云牆謂之聖考工記匠人爲世室用白盛注盛之言成以

書疏十七

四

盪灰聖牆所以飾宮室然則古塗牆以盪灰今以石灰也

若作梓材既勤樸斲惟其

塗丹墍

注

馬融曰梓古作杼字治木器曰梓治土器曰

陶冶金器曰冶樸未成器也墍善丹也鄭康成曰山海

經云青丘之山多有青墍塗一作敷

疏

梓者釋木云椅梓韋昭注楚語

云杞梓良材也說文云樸木素也斲斲也塗作敷見墍字解云善丹也引周書曰惟其敷丹墍讀若窶敷閉也集韻云斲同都切塗也周書曰斲丹墍羣經音辨云斲音徒書惟其斲堅茨則古文本又作斲也斲亦敷之假音字言如作梓材既勤力治其素質當思加以采色喻國既治理更須修明制度典章使粲然可觀也馬注見釋文云梓古作杼字者說文以杼爲李字之古文馬以爲梓字蓋本大傳古字以子爲聲云治木器曰梓者考工記有梓人爲筍盧爲飲器爲侯因梓材美以名工也陶人治氏俱見考工記云樸未成器者釋木云樸枹者



樸亦同朴說文木皮也云贖善丹者說文丹巴越之赤石也贖解與馬同鄭注見書疏引山海經者南山經云青丘之山其陰多青贖是也古者犧尊以木爲之飾以青黃今王惟曰先王既勤用

明德懷爲夾庶邦享作兄弟方來亦既用明德疏懷者釋

云來也夾者一切經音義十二引倉頡云輔也享者釋

詰云獻也作者詩傳云始也享作猶言作享方者鄭注

儀禮云猶併也言今王爰思先王勤勞用明德之臣來

爲夾輔是以衆邦始來享兄弟之國並來賓服亦已奉

用明德矣疏后者說文云繼體君也式

德矣疏后式典集庶邦丕享疏者釋言云用也典者釋詰

云常也言繼體之君當用先王之常法安集之衆邦乃來享也丕語詞也皇天既付中國民

注付馬融作附越厥疆土于先王肆王惟德用和懌先

後迷民用懌先王受命疏付馬作附者見釋文高宗彤

日天既付命正厥德史記作

附是付附通說文云付與也肆者釋詰云今也懌者釋

詰云服也先後江氏聲說爲教道之引詩縣傳云相道

前後曰先後迷者釋言云惑也澤俗字當爲敦說文云

敦終也言天既付中國民與其疆土于先王今王思用

德和服先道此迷惑之民用終先王所受大命已若茲監惟曰欲至于萬年惟

王子子孫孫永保民疏已者釋詰云咨已此也是已猶

此臨民惟子孫長保斯民矣王氏鳴盛曰今王惟曰先

王既勤用明德已下周公因詰康叔而并戒成王之詞

書疏十七

通上康誥酒誥三篇總結之也

光緒歲在闕逢涒灘國子監肄業生吳縣朱記榮校刊  
梓材第十七終



召誥第十八 周書九

尚書今古文注疏卷十八

賜進士及第授通奉大夫山東督糧道加三級孫星衍撰

**注**史遷說周公行政七年成王長周公反政成王北面

就羣臣之位成王在豐使召公復營洛邑如武王之意

周公復卜申視卒營築居九鼎焉曰此天下之中四方

入貢道里均作召誥洛誥大傳說周公攝政五年營成

周七年致政疏史公說見周本紀以營洛邑作召誥為

在七年反政之時者據經文云王朝步

自周下文云周公朝至於洛周公至是不稱王經文又

云錫周公曰又有旦曰故知在反政之後也此蓋孔安

國古文說周書作雜解亦云及將致政乃作大邑成周

於土中漢書律歷志亦云周公七年復子明辟之歲是

書疏十八

歲二月乙亥朔庚寅望後六日得乙未故召誥曰云云  
見下丙午朏疏大傳以為在攝政五年者今文異說也  
鄭氏從大傳

惟二月既望越六日乙未注史遷說成王七年二月乙

未鄭康成曰是時周公居攝五年二月三月當為一月

二月不云正月者蓋待治定制禮乃正言正月故也疏

望假借字說文作望云月滿與日相望以朝君也从月

从臣从壬壬朝廷也古文作望釋名云望月滿之名也

月大十六日小十五日日在東月在西遙相望也越者

漢書注文穎云踰也既望是十六日踰六日則二十一  
日也史公說見魯世家云二月乙未者不破經文二字  
為一與鄭異也書疏云是月朔是乙亥望是己丑既望  
是庚寅鄭注見周禮大司徒疏及詩文王疏云是時周  
公居攝五年者據大傳說周公攝政五年營成周也與



史記魯世家以爲在七年歸政之時不同云二月三月當爲一月二月者謂此經當爲一月既望下文爲二月丙午朏也江氏聲云既望十六日也乙未二十一日鄭知然者以洛誥戊辰烝是居攝七年十二月日此是居攝五年事計五年三月至七年十二月凡三十四月其間餘分積至二萬八千九百七十六有奇以九百四十分之日法除之則三十日有餘矣則五年六年之終必置一閏則五年三月朔至七年十一月晦已匝三十四月若三月丙午朏則甲辰朔也推之五月當癸卯朔七月當壬寅朔率兩月而退一日則七年十二月應丁亥朔不得有戊辰若此二月爲一月下文丙午朏是二月則七年十二月丁巳朔戊辰乃其十二日鄭說誠是也云不言正月云云者鄭自解已注當爲一月不言當爲正月之意也武王初有天下以建子月爲年首而稱一月而不稱正月武成篇一月壬辰是也時未遑制禮故改禮成而洛誥當七年時猶詔王稱殷禮明必待七年反政之明年爲成王元年乃稱正月故云待治定制禮乃

書疏十八

二

正言正月也

王朝步自周則至于豐

**注**馬融曰周鎬京也豐

文王廟所在朝者舉事上朝將卽土中易都大事故告文王武王廟鄭康成曰步行也堂下謂之步豐鎬異邑而言步者告武王廟卽行出廟入廟不以遠爲父恭也

於此從鎬京行至於豐就告文王廟告文王則武王可

**知**

馬注見史記集解云周鎬京者周自后稷居郃公

王所都在長安西上林苑中鎬言鎬京者詩文王有聲云宅是鎬京也白虎通號篇引詩云命此文王于周于京云此改號爲周易邑爲京也據此則文王已稱周京故武王遷鎬亦曰京也云豐文王廟所在者說文作豐云周文王所都在京兆杜陵西南史記索隱云豐文王所作邑後武王都鎬於豐立文王廟按豐在鄠縣東臨



豐水東去鎬二十五里也云告武王廟者考親於祖既告祖廟必及禰也鄭注見史記集解及詩王風譜疏曲禮疏父恭曲禮疏作文恭云步行者說文義也云堂下謂之步者釋宮文云告父廟則武王可知與馬義同也

惟太保先周公相宅注史遷說使太保召公先之注雅相

士鄭康成曰相視也注史公相宅作相土者相度其土地可以作宅也鄭注見史記集

解云相視注越若來三月惟丙午朏注越同粵釋詁云於也若者鄭注周禮

釋詁文云而讀爲若聲之誤也則若與而聲相近來者釋詁云至也越若來言於是而至三月也漢書律歷志引武成

篇粵若來三月周書世俘解越若來三月義並同朏者說文云月未盛之明引此文月三日也漢書律歷志云

後二歲得周公七年復子明辟之歲是歲二月乙亥朔庚寅望後六日得乙未故召誥曰惟二月既望粵六日

乙未又其三月甲辰朔三日丙午召誥曰惟三月丙午朏越三日戊申太保朝至于

丙午召誥曰惟三月丙午朏越三日戊申太保朝至于

書疏十八

洛卜宅厥既得卜則經營注史遷說其三月周公往營

成周雒邑卜居焉曰吉遂國之注越三日戊申者三月

戊申月五日也丁未至戊申自豐至洛行十四日吉行日五十里豐至洛七百里也周官太卜云國大遷則貞

龜故須得卜言得吉兆也經營者詩靈臺云經之營之傳云經度之也箋云度始靈臺之基趾營表其位越

三日庚戌太保乃以庶殷攻位于洛注鄭康成曰汭

隈曲中也注庚戌月七日庶者釋詁云衆也攻者詩傳

定官位周書作雒解云乃作大邑成周于土中城方千七百二十丈郭方七十里南繫于洛水北因于邠山以

爲天下之大濼又云乃位五宮大廟宗官考官路寢明堂注云五宮官府寺也大廟后稷廟二官祖考廟考廟

也路寢王所居也明堂在國南者也案古者六尺四寸爲步三百步爲里則一里之長百九十二丈依考工記

爲步三百步爲里則一里之長百九十二丈依考工記



匠人營國方九里則當云方千七百二十八丈周書云千七百二十丈畧其餘數也言庶殷者謂眾殷民洛內

在洛八河之處史記周本紀云武王曰自洛納延于伊

納說文云納水相入也鄭注見書疏以納為隈曲中者

說文云隈水曲隈也杜氏注左傳云水曲流為納

越五日甲寅位成若翼日乙卯周公朝至於洛則達觀于新邑營

書王往者王於相宅無事也

說文云甲寅月十一日翼同昱

注樂記云具也達觀言具觀之營謂營城鄭

越三日丁巳案即此文亥當

為已自甲寅翼日數之月十四日也郊者易乾鑿度云

三王之郊一用夏正據上云三月正夏正建寅之月王

郊是正祭當以上旬行禮于鎬京此因始立郊兆而特

祭天配以后稷也周書作雒解云乃設丘兆于南郊以

祀上帝配以后稷日月星辰先王皆與食用牲牛二者

也郊惟用特牛禮以少為貴無羊豕也公羊宣三年傳

云養牲養二卜帝牲不吉則取稷牲而卜之帝牲在于

條三月于稷者惟具是視郊特牲亦云帝牛不吉以為

稷牛帝牛必在滌三月稷牛惟具所以兆事天神與人

鬼也又云于郊故謂之郊牲用騂尚赤也用犢貴誠也

案洛語云騂牛此不言其色者時尚稱殷禮用白牡也

書疏十八

越翼日戊午乃社于新邑牛一羊一豕一

立社祭后土以句龍配郊特牲云社祭土而主陰氣是

社祭為土神也春秋左氏昭二十九年傳云其工氏有

子曰句龍為后土后土為社謂句龍生為后土之官死

則配食于社故鄭注周禮云其工氏之子曰句龍食于

社是也周書作雒解云乃建大社于國中其壝東青土

南赤土西白土北驪土中央豐以黃土白虎通社稷篇

云王者所以有社稷何為天下求福報功人非土不立

非穀不食土地廣博不可徧敬也五穀衆多不可一一



祭也故封土立社示有土尊稷五穀之長故封稷而祭之也尙書曰乃社于新邑又云社稷以三牲何重功故也尙書曰乃社于新邑羊一牛一豕一案稷爲封稷而祭以后稷配經不言稷舉社以該之也云牛一羊一豕一者王制云天子社稷皆太牢鄭注周禮云三牲牛羊豕具爲一牢案句龍配社后稷配稷蓋以人鬼配土穀之神猶郊之以稷配天也僞孔云句龍后稷祀越七日爲社稷與王肅謬說同又以社稷共牢皆誤

甲子周公乃朝用書命庶殷侯甸男邦伯厥旣命殷庶

庶殷丕作

甲子月二十日朝用書者春秋左氏昭三十三年傳云士彌牟營成周計丈數揣高

甲度厚薄勿溝洫物土方議遠邇量事期計徒庸慮材用書餼糧以令役于諸侯蓋周公以此等書于冊以命于侯甸男之邦伯也丕者釋太保乃以庶邦冢君出取

幣乃復入錫周公注鄭康成曰所賜之幣蓋璋以皮及

書疏十八

寶王大弓此時所賜召公見衆殷之民大作周公德隆功成有反政之期而欲顯之因大戒天下故與諸侯出

取幣使戒成王立于位以其命賜周公疏以同與鄉飲

與賓三揖鄉射禮作主人以賓三揖是也錫者釋詁云賜也鄭注見書疏云蓋璋以皮及寶玉大弓者釋詁云秋定八年云盜竊寶玉大弓傳云寶者何璋判白弓繡質龜青純是魯有此璋及寶玉大弓也定四年左傳云分魯公以大路大旗夏后氏之璜封父之繁弱則璋與寶玉大弓非封魯公之分器知是此時所賜于周公者傳無正文故言蓋以疑之云以皮者周禮小行人合六幣璋以皮是璋必薦以皮也案公羊傳璋卽寶玉鄭以璋與寶玉大弓殊言之者何氏注公羊云半圭曰璋白藏天子青藏諸侯魯得郊天故錫以白不言璋言玉者起圭璧琮璜璋五玉盡亡之也傳獨言璋者所以郊事天尤重也 曰拜手稽首旅王若



**公疏**旅者釋詁云陳也言旅王若公則王在矣洛誥云公既定宅年來視予卜休恒吉則相宅時王留西

都未來當于使來告卜之後來洛也故上文鄭注云不書王往王于相宅無事也**誥告庶殷越**

**自乃御事嗚呼皇天上帝改厥元子**鄭康成曰言首

子者凡人皆云天子之子天子為之首耳**疏**鄭注見書疏以元為

首釋**茲大國殷之命惟王受命無疆惟休亦無疆惟恤**

也**嗚呼曷其柰何勿敬**疏疆者詩傳云竟也釋詁云休慶也恤憂也曷者廣雅釋詁云何

也**天既遐終大邦殷之命茲殷多先哲王在天**疏遐俗

為假釋詁云假已也哲者釋言云智也言天既已終殷之大命此殷之先哲王猶多在天**越厥後王**

**後民茲服厥命**疏服者詩傳云服政事也後王謂紂也**厥終智藏瘝在**注

書疏十八

**鄭康成曰瘝病也瘝一作鰥**疏藏俗字當為臧易繫詞知以藏往釋文云藏劉

作臧高誘注呂氏春秋云藏潛也瘝俗字當為鰥釋詁云鰥病也其終謂後王之終即紂時也紂政不善智者

知幾而藏匿在者困于行役詩何草不黃云何人不矜箋云無妻曰矜從役者皆過時不得歸故謂之矜書堯

典疏引書傳孔子對子張曰詩云何草不元何人不鰥暫離室家尚謂之鰥此書傳即大傳是鰥為離家行役

之人偽傳以瘝在為在位之臣或又以為病民者在位俱非也瘝郭氏注爾雅引此文作鰥**夫知保**

**抱攜持厥婦子以哀籲天徂厥亡出執**疏夫者鄭注曲禮若夫云丈

夫知者釋詁云匹也保同緜說文云小兒衣也籲者說文云呼也徂者釋詁云在也執者廣雅釋言云脅也言

丈夫之有匹偶者緜負其子攜持其妻**嗚呼天亦哀于**

屬以哀號呼天在者喪亡出被迫脅**四方民其眷命用懋王其疾敬德**疏眷者說文云顧也懋者釋訓云懋懋



勉也疾者釋詁云速疾也言天亦哀此四方窮民其眷顧大命用勉于敬德者以爲民主王其速敬德以答天意相古先民有夏天迪從子保面稽天若注鄭康成曰

面猶回向也今時既墜厥命今相有殷天迪格保面稽

天若今時既墜厥命疏相者釋詁云視也迪與攸通見

前疏子當讀如字亦見上疏釋

詁云格墜也保安也面者鄭注周禮云猶鄉也稽者鄭

注周禮云猶考也若者釋言云順也墜俗字當爲隊說

文云從高隊也格者釋言云來也言視古先人有夏天

所從字愛保安之夏王亦鄉考天心而順之今時既殞

其大命矣今視有殷天所陞保殷王亦鄉考天心而順

之今時既殞其大命矣謂後王不能承天受命也鄭注

見書疏云面猶回向者漢書項籍傳云馬童面之注

面謂背之不向也鄭云回向回猶背也言背而向之今

冲子嗣則無遺壽考注壽考亦作考老曰其稽我古人

之德矧曰其有能稽謀自天疏冲子謂成王也考者釋

幼繼位則無遺棄考老者謂其能考我古人之德以其

或能考謀以從天即上所云面稽天若也漢書孔光傳

云今年耆有疾俊艾大臣惟國之重其嗚呼有王雖小

猶不可已闕焉引書文作無遺考老

書疏十八

元子哉其不能誠于小民疏元者釋詁云首也丕語詞

不作不言王雖幼冲亦天今休王不敢後用顧畏于民

之首子其能和于小民也

不者引周書曰畏于民暑讀與巖同民巖猶民險也康

語曰小人難保言今之美王不敢後用天之眷顧下畏

于民情之險江氏聲云說文引此文不連顧字漢儒以

顧字屬上讀是也王應麟困學記聞載文志考皆以說

文岳多言也爲此暑字段氏玉裁駁之案岳說文讀與

聶同緩讀則同暑許氏訓以爲王來紹上帝自服于土



**中注**

鄭康成曰自用

**疏**

紹者釋詁云繼也自者詩傳云用也服同反說文云治也土中

謂王城于天下為中也論衡難歲篇云儒者論天下九州以為東西南北盡地廣長九州之內五千里竟三土中周公卜宅經曰王來紹上帝自服于土中雒則土之中也水經河水注引孝經援神契曰八方之廣周洛為中謂之洛邑周禮大司徒職以土圭之法測土深正日景以求地中日南則景短多暑日北則景長多寒日東則景夕多風日西則景朝多陰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉白虎通京師篇云尚書王者必即土中何所以均教道平往來使善易以聞惡易以聞明當懼慎此說自服土中之義也

皇天毖祀于上下其自時中又王厥有成命治民今休

**疏**稱且者曲禮云君前臣名召公述周公之言曰其作大邑其從是配天慎祀于上下神祇其從是致治于

書疏十八

中土王其有天之成命治民今獲休慶釋詁云從自也時是也忠慎也又同變說文云治也休者釋言云慶也

王先服殷御事比介于我有周御事注介一本作介節

性惟日其邁王敬作所不可不敬德疏此召公自述已春秋重已篇云節乎性也注云節猶和也性者天命五常之性說文云人之陽氣性善者也所者一切經音義二引三蒼云處也邁者釋言云行也言王先治殷治事之臣及比近于我周治事之臣節和其性思日行之甚速勉之以疾敬德也王之治羣臣以敬自處不可不敬德介日本人山井鼎云足利古本作途偽孔傳釋為比近則亦作途字介文與介相似故後又增為邇也

我不監于有殷我不敢知曰有夏服天命惟有歷年我不敢

知曰不其延惟不敬厥德乃早墜厥命我不敢知曰







戮用又民若有功

**疏** 淫者高誘注呂氏春秋云過也釋詁云彛法常也殄盡也戮者廣雅

釋詁云罪也又者釋詁云治也若者釋言云順也言王勿以小民有過為非法者因敢盡罪以治民惟順敘則有功也

其惟王位在德元小民乃惟刑用于天下越王顯

**疏** 釋詁云元首也刑法也顯光也言王位居天德

勤恤其曰我受天命丕若有夏歷年式勿替有殷歷年

欲王以小民受天永命

**疏** 恤者說文云憂也丕詞也釋言云式用也替廢也言君臣

相與勤勞憂恤其期于有夏歷年之久用勿廢有殷歷年之久欲王以小民受天長命也潛夫論正列篇云人君身修正賞罰明者國治而民安民安樂者天悅喜而增感數故書曰王以小民受天永命蓋勤恤即安民安民乃命永是說

書疏十八

十

君子注鄭康成曰拜手稽首者召公既拜興曰我小臣

以下言召公拜訖而復言也百君子王之諸臣與羣吏

越友民保受王威命明德王未有成命王亦顯

**疏** 讎與稠聲

相近文選補亡詩注引蒼頡云稠眾也廣雅釋詁云讎輩也鄭注禮記云君子謂大夫以上友同有白虎通三綱篇云友有也保者釋詁云安也未者孔晁注周書云終也召公拜手稽首謙稱予小臣敢以王之眾民及百官之有民者安受王之威命明德則王終有成命王亦光顯矣鄭注見書疏云百君子王之諸臣與羣吏者君者釋詁云大也子者男子之美稱

用供王能祈天永命

**疏** 勤者說文云勞周書克殷解王入即位于社召公奭贊采供者

孔晁注周書諡法云奉也言我非有勤勞於國徒敬供贊采之職而已用奉王能祈天永命重勉之以敬德也



召誥第十八終

光緒歲在闕逢涪灘國子監肄業生吳縣朱記榮校刊

書疏十八

士

光緒甲申小春  
月白堤八字橋  
孫谿槐廬家塾



